



上海珠塵

14
1627
18



門 4
號 1627
卷 18



藝海珠塵



圭塘欵乃集

南滙 吳 省蘭 泉之輯
婁縣 沈 步垣 在中校

集部詩總集類

許有壬許有孚許楨馬熙纂

進士累官中書左丞卒諡文忠有字可用彰德路
有壬之弟登進士第歷官南行臺御史同僉太
常禮儀院事楨字元幹有壬之子以門功補
太祝熙字明初衡州安仁人歷官右衛率府
教授

序

圭塘欵乃者御史中丞安陽許公與其季氏都司君可

藝海珠塵

圭塘欵乃集

一

早稻田大學圖書館
25 10.30
未

行其客馬君明初及公之冢嗣國子上舍生楨閒居倡和之什也公謝事歸相城於其第之西二里得康氏廢園薙灌莽剗楸翳廓然一新既又鑿池其中表廣以步計者千餘深八尺形如桓圭雙洲右枕孤隴左峙夷隄緣焉回垣繚焉導渠西北時其洩闕直坤有崇臺西山在肘亦閒繕完舊亭勝槩方獻道在其南梁于道之半池清見底魚潑刺可數於是泛池有舟涉川有橋夫渠楊柳棗栗桑榆梅榴桃杏蒼松翠竹繁華豐草周於池之中外葢培植踰年而後成燠涼炎凍雖異候而生意源源娛目暢懷無時或閒惟二古檜巋然乃康氏故物

公既甚愛之時杖屨攜弟若子會賓友觴詠其間以池之占勝居多故以圭塘名而此倡彼和宮商遞宣少長同驩主賓相忘一草一木品題不遺故名其篇集曰欵乃若漁歌互答然亦謙辭也都司君遂自爲引衷爲巨帙或傳至京師伯琦得而盡閱之詩古律五七言二百一十九樂府六十六總之二百八十有五其中惟樂府十解馬月初所作餘皆公與弟若子一家所作也嘻何其盛哉惟賢人君子有濟世之偉業者必有絕世之高致蓋識見預定於胸藏行藏一安於所遇蘊之豐則發之宏發之宏則蘊之者益豐矣古昔游賞之跡若東山

作綠野若平泉則朝川龍門其境未嘗不勝也或時有未偶或志有未遂或地非其鄉至於子弟之才美皆不見稱於世眉山蘇氏一門詞藻盛矣然用世未竟間關嶺海莫年來歸各謀僑居未聞有燕集游覽之樂由是觀之功名之際家庭之間有不得兼其美者多矣獨安陽公以命世之賢際熙洽之運自處士時已負重望及居宰輔慨然以天下爲己任迪德明謨培元氣植善類正色立朝將三十年天下陰受其賜而不知也年方耳順角中東第坐對桑梓泊然草布園林池亭泉石之勝旣甲一方面而棣萼芝蘭之暉映又英發杰出玩造化於

品物暢情性於藝倫家傳戶誦如獲親炙天下之美昔人之所未得者遂兼有之然非受於天者厚固不能以具諸美非造於道者深亦不能以一朝享也孔子曰精義入神以致用也利用安身以崇德也用被於人德尊於己樂行憂違無施不可非義精仁熟如吾安陽公者不足以與於此伯琦從公遊非一日屢知最深故於圭塘之詠推本而言之使知公者求公於樂山樂水之間而不可與流連光景忘世徇情者並論也謹書於欸乃篇什之端以見安陽公一門文物之盛至正十年歲在庚寅七月旣望鄱陽周伯琦序

有孚

圭塘欵乃 并引

至正戊子秋吾兄中丞公以賜金得康氏廢園於相城之西池陲亭圯垣圯卉木伐唯雙古檜在庀徒具畚鍤從事疏鑿池廣袤千餘步深一仞形如桓圭西隄二洲東規一島帶以平堤繚以周垣渠於乾艮以時啟閉臺於坤維高可數丈西山巖麓近在眉睫百里之景可攬而有視亭之罅漏填葺而戶牖之南爲道道中爲橋十一月五日導水入池縱魚數千尾作樂合賓友落成將橋於二洲舫於水蓮於池柳于堤果于亭側松竹花草

于池南次第而時植焉昔人平泉綠埜吾不知其何如若是園者亦城西之佳地矣公杖屨或氅衣或宮錦招佳賓挈子弟觴詠其間香山獨樂不是過也公嘗謂池成當用晁補之摸魚子首句買陂塘旋栽楊柳爲樂府未幾明初馬先生先撫此以爲公壽公歡然卽席和之命有孚同賦得二首池旣成載賡八韻通爲十闋以成初意且以爲同聲唱和張本公因題之曰圭塘欵乃是池得佳名矣然園有亭臺命名紀實則必待公爲記焉買陂塘旋栽楊柳詩翁急欲知務平生想像江湖意幾度雞鳴風雨鳧有渚直晚景桑榆才得烟霞嶼先賢好

語道鍾鼎山林神仙宰相從昔不同趣
西池路天意而今都許佳人協律調
呂浮沉願入雞豚社其奈香山佳句
誰我醕又菊節相催先約修花譜猶
今視古有涸水秋聲林慮爽氣壯觀
我西圃

買陂塘旋栽楊柳山中道士家務豐
年城市秋偏好又近重陽風雨蘭汎
渚雖信美江山不似吾雙嶼孫兒學
語說桑梓光陰松筠節操歲歲有驩
趣沙堤路身退功成天許非熊夢斷
占呂但教階下人如謝解道春池新
句尊有醕更不說傳家事業光吾譜
衣冠尚古有雙檜亭臺萬荷池沼安
我邵平圃

買陂塘旋栽楊柳平章風月專務歸
來溫樹無人問但聽四窗荷雨圓作
渚准擬似神山瀛海烟波嶼凭闌獨
語笑元亮謀生秫多菊在惟識酒中
趣東華路朝士

從朝推許廟堂議論如呂謝學士序公文過集曰端承

公於事有不可輒危言極論畫其後當而今不說經綸

何如莫道夷簡不曾說來聞者爲棟立

話只辦城西聯句鄰酒醕更乘興相從香鼎并琴譜平

生考古已散卻黃金換回清福倚杖看爲圃

買陂塘旋栽楊柳園亭儘有公務東山更理閒絲竹莫

用蒼生霖雨鷗鷺渚澹相對忘機不羨蓬瀛嶼平生願

語便泉石膏肓烟霞痼疾始遂隱居趣邯鄲路老我

頭醺如許黃糧何日逢
呂斜川便是桃源洞
千載歸來
辭句中澆醕笑琴亦無絃
何處求新譜
茫茫萬古任滄
海桑田
白衣蒼狗不到老農圃
買陂塘
旋栽楊柳
閑人有此忙務
平泉綠野吾無羨
僅著一蓑烟雨
舟泊渚更把釣觀魚
宛在池中嶼
掀髯自語待月到天心
風來水面笑領此時趣
堤邊路斷藥鄰翁相許
阿蒙非復吳呂
西山如畫花如錦
專待公來尋句瓢
挹醕聽牧唱樵歌
高下從無譜
何須說古只待漏東華
軟塵千尺應不到茲圃
買陂塘
旋栽楊柳
佳人屢輟齋務
扁舟蕩漾亭深處
堪

避片雲疎雨
明月渚有仙子凌波解佩
留芳嶼園丁亦語道四美俱全
二難巧遇杯酒易成趣
昇平相元與旌陽同許
水雲身世希呂歸來
卻覓玄真子不和岳陽樓句
斟桂醕悵瑤琴朱絃遺曲
誰能譜談今援古聽無底
書囊有源詩派何必種芝圃
買陂塘
旋栽楊柳
不妨三月農務
溪翁走報新痕漲
昨夜西山雷雨將沒渚
有復道雙洲繚繞通孤嶼
黃鸝對語正春色
暄妍物華明媚好在浴沂趣
天涯路芳草茫茫如許
蠻牋難寫心
呂碧雲冉冉春波綠
都是相思情
句花共醕似梅與山礬
臭味曾同譜
堤陰樹古要亂

絮漫空柔條蘸水慎勿折樊圃

買陂塘旋栽楊柳詩人何遜曹務水雲鄉裏看雲錦不
羨落花紅雨如顧渚膾鮮鯽銀絲畫舫縈回嶼華嬌欲
語任澹灑荷觴淋漓宮錦痛飲是佳趣 虛閒地更有
圖書如許坑灰追笑羸呂北窓一榻清風細讀罷義文
章句姑置醕對避暑樓臺名畫宣和譜亭前檜古看黛
色參天霜皮溜雨閃煞漢陰圃

買陂塘旋栽楊柳新來已見成務小山叢桂人如玉何
用為雲為雨懷北渚悵渺渺予懷日斷游龍嶼馮誰寄
語正宋玉悲秋桓温種木妨我遠游趣 西風勁一鸞

橫空何許匆匆月又南呂崇臺迴出雲霄表好是登高
題句時載醕卻不是香山淚落琵琶譜毋多讓古有黃
菊青松寒香晚節吾不負吾圃

買陂塘旋栽楊柳英雄頗識時務老臣正欲彰君賜未
辨萬間風雨安石渚可無事爭墩吾自安吾嶼從人浪
語且雪後觀山鏡前飛蓋不動剡溪趣 西湖夢卻要
扁舟來許何時命駕如呂對梅渾似蘇堤上追和逋仙
佳句茶當醕有佳客相過刻燭論詩譜因評近古自畫
錦歸來觀魚軒後誰更問園圃

可翁和

藝海朱惠

圭塘欵乃集

明初賦摸魚子壽子既次其韻而可行和之成什衰病
技癢亦足爲十首

買陂塘旋栽楊柳歸來此是先務他鄉故里都休校舊
雨不如今雨鴻在渚笑爾尚南飛吾已安孤嶼黃花解
語道人老宜秋身安耐酒此正有真趣 鑿坡路大手
深慙燕許超騰又悖鍾呂但求閑澹如元亮卻恨詩多
奇句傾綠醕底須按樂天池上霓裳譜休論往古有三
日重陽約君同醉老子築西圃

買陂塘旋栽楊柳閉官宜治閒務老天助我攻清澹兩
月不遭泥雨規別渚更累土爲山留土分爲嶼鄉人共

語歎百歲陔蕪一朝疏鑿此去日成趣 江湖願自是
平生心許元英誰羨陳呂石渠細溜鳴琴筑清侶我家
詩句杯引醕便收拾松風寫入絲桐譜區區學古愧竊
祿無功投閒有分猶患不如圃

買陂塘旋栽楊柳年來於此承務涼臺嶼館吾何有聊
芘一時風雨洲璣渚向一片烟波鼎峙嵯峨嶼盤空硬
語挽三峽詞源千軍筆陣不盡樂閒趣 當年志爲國
微軀曾許青雲仍際觀呂從知弱步難勝重夢斷九天
臚句時飲醕趁四序栽花綴作園池譜長歌弔古悵安
得良田茫茫萬頃種玉闌玄圃

買陂塘旋栽楊柳田園忙勝官務放魚種藕常無暇移
竹又當新雨由近渚駕一葉扁舟時復還吾嶼花香鳥
語況心上無縈眼前多景絃外有琴趣 尊罍小能費
人間幾許荷香惟欠仙呂天光雲影清難寫盡日撚須
無句池作醕要醉上通明傳取鈞天譜西山翠古任列
壑爭譏攢峯竦詭難及野人圃

買陂塘旋栽楊柳塵凡皆與停務半生醉夢人間世翻
覆幾回雲雨歸有渚似真到三山縹緲紅雲嶼忘懷笑
語任白鷺驚飛蒼苔不掃去此便無趣 斜川路宇宙
茫茫何許綺園肯附諸呂悠然一見南山後便覺世多

塵句持此醕論心事中間異姓還同譜迂疎好古因藝
菊栽松滋蘭植蕙荒了種瓜圃

買陂塘旋栽楊柳散人不理他務柳栽近水應先綠應
用等閒霖雨遵北渚看雙檜蟠空倒影搖烟嶼千言萬
語只今日投簪經年閉戶便自得天趣 真男子報國
誰如張許論交仍負嵇呂我今但要閒陶寫幸免鏤章
雕句村甕醕此真是交梨火棗傳家譜庭空樹古有野
鶴時來衡門不鎖清徹地仙圃

買陂塘旋栽楊柳歸農未免多務一亭四序饒風景且
說夜來春雨香濕渚愛新柳依稀數影連三嶼黃鸝不

語怕曲几團蒲坐忘未定驚破靜中趣 功名事卻笑
平生自許誰調陽律陰呂而今且向東君問舊句豈如
新句開臘醕要醉喚石湖重緝寒梅譜榮枯自古趁九
十韶華六旬餘力終日醉吾圃

買陂塘旋栽楊柳清風淨掃塵務柳陰已見疎成密又
聽綠荷敲雨鷗戲渚柰條爾翻飛飛過崔嵬嶼形神自
語豈世事相縈機心未息物我不同趣 池亭小收斂
風烟來許漁歌何愧鍾呂水紋瓦影相娛悅高詠退之
佳句荷酌醕有一曲滄浪不犯人間譜悠悠振古問誰
似吾儕攻迂習澹爲水廢場圃

買陂塘旋栽楊柳眼中已辨歸務柳成修榦蓮成實均
沐老天恩雨憐小渚欲氣象侵陵海上神仙嶼神仙有
語任涓滴蹄涔茫洋鯨浪各自適歸趣 星星鬢鏡裏
衰容如許西風又動商呂九原宋玉悲何及付與短歌
長句飄泛階縱不到箕山也是曾通譜希賢信古看畫
錦堂前霜天老月千載照韓圃

買陂塘旋栽楊柳田家小小成務一年清景君須記大
勝草烟花雨水沍漉把一片玻璃圍護瓊瑤嶼鈎簾獨
語是天富貧家地輸清供種種出奇趣 桑榆樂造物
而今已許一竿自昔歸呂圭塘欵乃烟波曲卻屬腐儒

章句尊有醕是波若神湯世與詩同譜誰能復古且池
上觀梅爐中煨芋鐙下治書圃

明初和并序

中執法安陽公初度之辰熙賦樂府爲壽以買陂塘旋
栽楊柳爲首句爲新得園池成公志也公泊可行都司
名和二首禎和二首旣而可行董浚築之役竣事復八
廢韻公亦如之愈出而愈奇有本者如是夫公命熙復
廢而題技窮矣搜枯得九首并倡爲十闕謹錄以呈伏
希指教

買陂塘旋栽楊柳參知綠野機務春花秋月冬宜雪夏

有芝風荷雨亭北渚更倚棹觀魚時憩東西嶼掀髯自
語任黃閣絲綸彤庭劍履未換涉園趣人間世多少
高眠巢許動庸終愧伊呂得閒宰相方爲貴誰識山中
詩句觴玉醕看老鶴蹠蹠舞入南飛譜清風萬古是舊
隱晞韓新堂醉白香滿菊花圃

買陂塘旋栽楊柳參知老圃機務宰臣得請歸田里久
曷忽逢甘雨懷鄂渚悵黃鶴樓前鸚鵡翔烟嶼騷魂可
語奈信美江山無窮湖海難得故鄉趣西園地天意
昔年曾許墳篋近協音呂築臺浚沼方竣事更辦雪兒
佳句仍醕醕爲禱爾三家恐有治園譜今吾勝古問孟

氏芳鄰何時康樂何似東之圃
買陂塘旋栽楊柳參知圭沼機務石渠灑灑鳴西北不
用九天瓢雨魚在渚又戲藻翻荷遶遍方圓嶼魚如解
語道惠子忘言莊周忘象豈識水中趣
寒泉上雲影
天光如許高談曾會朱呂此中儘有源頭水添我感懷
新句姑卻醜便合著葉嘉百世雲仍譜心源汲古任習
井無波方塘好在餘潤及蔬圃
買陂塘旋栽楊柳參知三島機務方壺員嶠千夫力揮
汗已能成雨晷立渚著雨兩胎禽俯伏紅雲嶼忘機對
語儘較短量長昨非今是未害老仙趣
山中計長史

詎能羈許糊塗政合睎呂交梨火棗如緘惠何必雲林
摘句餅馨醕問玉醴金漿通我仙宗譜管聞往古說丹
近蓬萊風猶引去何處覓縣圃

買陂塘旋栽楊柳參知漁艇機務巨以昌涉風濤險此
際纜烟維雨朝泊渚到日落滄波移傍寒梅嶼翠禽無
語甚雪意方深月明空載獨棹始成趣
鑾坡夢年少
紛紛權許科名更欲侔呂桃花浪暖多肥鯪不識綠叢
詞句常載醕豈特與筆牀茶竈聯文譜閒忙今古是世
上何人淵明日涉董子不窺圃

買陂塘旋栽楊柳池亭檢校公務闌茅時復羲皇上驚

夢每勞窻雨東望洛卻不似西偏畧約連雙嶼于時語
語待柳色環堤荷香入座方足倚闌趣 園丁蕙直把
廉名自許端如司馬家呂十千護得簷前檜莫詠蟄龍
奇句誰酌醕試共看東臯五斗先生譜明當倣古要渠
列箕疇牖縣羲畫學取晦翁圃

買陂塘旋栽楊柳平堤檢校公務近來不用新沙築展
齒要深苔雨蘭藝渚植桂樹團團宛在池中嶼堤應怨
語只有恨柔條無情飛絮日與我同趣 周垣下杖策
已蒙神許鱧瓜何用懷呂丈夫志不期温飽愧爾碧紗
籠句行且醕聽絃索迎風吹入新翻譜由今視古對草

綠西湖裙腰一道端合讓西圃

買陂塘旋栽楊柳飛橋檢校公務當年題柱非無意借
用墨池玄雨沱共渚早有路潛通海上三神嶼歸來笑
語便玉蠟橫空金鯢跨海安有野亭趣 裴中令別墅
相師惟許倡酬聲應鍾呂若教子午成丁卯容得老漁
尋句忙喚醕好淨洗窮愁卻與論詩譜西風道古我欲
繫匏瓜匏瓜何在緜氏已無圃

買陂塘旋栽楊柳密臺檢校公務西山遠獻千巖壑總
解蓄雲藏雨臨淺渚更俯視銀濤萬頃搖孤嶼姮娥寄
語約靜影浮光浴金沈璧方領眺蟾趣 登臨地休道

主人先許買鄰邀我從呂黃金鑄作千錢賀不及無須
新句斟綠醕甚欲把園亭草木隨時譜歌幽驗古看祭
韭條桑薪樗剝棗納稼築場圃

買陂塘旋栽楊柳夢中還理家務十年不到衡山麓孤
負楚雲湘雨蘋暎渚渺杜若江籬香接烟霞嶼口心相
語為蠅驥東西雲龍上下誤卻釣游趣 生平志願識
平輿二許煌煌岳降申呂斐詞敬為先生壽博得月章
星句毋我醕只小草幽蘭心醉離騷譜松存徑古待遊
遍西園荷鋤歸去吾亦愛吾圃

楨和

蘇台西園

買陂塘旋栽楊柳求田專理農務扁舟來往烟波裏青
筠綠篔風雨時泛渚把遠岫遙岑收拾來孤嶼黃華解
語道鳳閣鸞臺黃塵烏帽爭似醉鄉趣 洹溪上道士
而今惟許非熊夢斷姜呂水聲山色相縈繞涌出筆端
新句斟桂醕聽萬籟笙竽一派仙家譜休論往古向種
菊籬邊觀魚軒外晚節有秋圃

買陂塘旋栽楊柳閒人忙過曹務山翁溪友來相賀昨
夜應時甘雨舟泛渚有茶竈相從同過東西嶼鷗邊自
語是午夢初回餘醒未解七椀得真趣 神仙事雲海
茫茫何許何人巖下逢呂詩家卻有還丹訣萬景點成

藝海朱塵

圭塘欵乃集

古

奇句公自醜且山水徜徉莫考飛升譜悠悠萬古看一片烟霞四時風物吾圃卽玄圃

有孚

圭塘雜詠 并序

圭塘亭臺浚築之役經始及落成有孚實皆與聞吾兄時一來遊雖乘興忘返而芳春長夏秋晴冬燠有孚獨得賞翫竟日不敢孤兄之賜謹取日所爲事各成小詩題曰圭塘雜詠用發長者一笑塘之可詠者不止此又當別撰拜呈

作樂導水

一部香山池上樂等閒誰遣到圭塘水聲更比樂聲好
鳴玉漱雲來未央

攜妓落成

郡守朱舜咨治具率寮友來賀喜甚大醉而歸

皂蓋朱轡寮友隨池亭終宴不知疲笑扶紅袖山翁醉
寧問街頭拍手兒

柳下聽鶯

陰陰烟翠足潛身其奈嬌喉百轉新卻憶當年聞闔曉

恩袍光照上林春

登第日唱名西宮密邇上林嘗聞鶯也

舟中對鷺

風標公子雪衣裳來把蓮池野景妝鼓浪鳴橈不驚去

藝每朱塵

圭塘欵乃集

五

主人機事久相忘

荷觴酌酒

珍珠紅貯碧琉璃故摘新荷代酒卮看取持盈舊時手
肯教宮錦笑淋漓

蕉葉題詩

綠映書窻兩樹蕉興來得句就揮毫何時更草閒居賦
卻笑街頭紙價高

荷淨納涼

晚來池上據胡牀荷葉荷花遠益香不待輕風來鼻觀
一襟煩暑自清涼

開窻看雨

白雨跳珠響翠荷秋聲剛比夜來多天公不破為霖手
捲地狂風可奈何時大旱連日雨作皆被風吹散

松陰獨釣

滿地松陰草似茵漁竿聊復樂吾真無端凡子忽相過
便說嚴灘與渭濱

與客泛舟

青簾畫舫木蘭橈佳客來游不待招莫話濟川當日事
且乘明月聽吹簫

日夕觀山

晚晴臺上看巉巖萬壑千峰起翠嵐恰似雲間招五老
今宵有夢定江南

西堤晚眺

雲影天光隔小橋一亭如翼水週遭東隅不似西堤好
日照平林古塔高

雨中移竹

琅玕新綠滿亭臺雨雨風風手自栽玉立明年看新笋
凌雲會使鳳凰來

月下觀梅

月照新堤水見沙暗香浮處影橫斜詩人同愛多成癖

不獨西湖處士家

倚檻觀魚

魚我相忘樂可知漆園仙老不吾欺眼前無限濠梁興

獨咏鄉賢石刻詩

魏公有觀魚軒詩石刻

遠堤種菊

酒熟同招隱士看饑來忍把落英餐春風無限閒桃李
不似黃華耐歲寒

竹間開筵

陰分老翠濕分苔洞府通幽一逕開底用三三頰杖履
此中風月足徘徊

水口聽琴

潺潺石溜最宜琴
悵望佳人勞我心
誰識淵明琴外趣
只愁流水負知音

獨坐投壺

小童傳箭侍投壺
勝負無爭祇自娛
四面芙蓉風日美
絕勝客舍夜呼盧

登臺縱目

白雲飛處太行低
遠近川原望眼迷
西北蒼烟護喬木
佳城鬱鬱是洹溪

調白蓮始花

素娥乘月下瑤臺
翠羽霓旌次第開
宴罷渚宮歸去晚
玉杯遺在碧雲堆

調木芙蓉不花

隄上芙蓉池內蓮
要看水木鬪清妍
雲舒霞卷知何在
目斷秋江思黯然

調湖石

嶄然山立勢巍巍
巖岫封苔碧帶緋
幸免秦家鞭叱苦
從教雲去笑無衣

聽箏

雁柱參差銀甲輕
水亭虛敞助絃聲
從知不似南薰譜

且向尊前解酒醒

可翁和

作樂導水

洄溪滾滾源頭活分得枝流入小塘
恠底凝雲吹不散
管絃聲滿水中央

攜妓落成

一尊才空一曲隨
胼胝今日頓忘疲
年來懷抱須陶寫
敢笑長安眾富兒

柳下聽鶯

萬條金縷裊長身
勾引遷喬語意新
休向建章誇百轉

陶家門徑有餘春

舟中對鷺

禪定聯拳斂素裳
豈知船上載紅妝
主人有約君毋忽
多少魚兒要汝忘

荷觴酌酒

野人飲具謝玻璃
自有天然軟玉卮
蕩漾翠濤擎不定
有人談笑縱淋漓

蕉葉題詩

騷鄉縑楮寓芭蕉
翠瑩尤宜運紫毫
風致於詩真有助
卯君才調况清高

荷淨納涼

柳陰多處著方牀萬柄無塵各有香危坐悠然受清供
風聲撼撼更秋涼

開窓看雨

霎時清響鬧新荷其奈龍公不肯多窓外風光吾不校
四郊禾黍定如何

松陰獨釣

半世京華因鼎茵高風時復夢玄真可憐緣木求魚者
今日君其問水濱

與客泛舟

欵乃聲中動畫橈不煩舟子更相招而今赤壁荒寒裏
試問何人有洞簫

日夕觀山

林慮千仞翠巖巖畫工夫在莫嵐徙倚崇臺觀未足
紅輪西北月東南

西隄晚眺

小亭何用赤闌橋細柳新荷綠四遭落日胡床更東望
碧天如水月輪高

雨中移竹

山人聚景作池臺移得龍孫帶雨栽頃刻雲開晴日上

便教陰過酒尊來

月下觀梅

空明雲水碧搖沙疎影尤宜竹外斜爲我殷勤謝信父
莫疑繁李玉川家

倚檻觀魚

魚樂江湖自不知非魚非我故相欺
終日觀魚只有詩

繞隄種菊

紛紛紅紫厭相看老境才將蔗倒餐
不向四堤皆種菊風霜誰與共高寒

竹間開徑

翠寒深處斲蒼苔香霧霏霏晚自開
從此一筇雙不借尋詩迎客幾盤徊

水口聽琴

幽棲長物一張琴時對清流自寫心
老子興闌童子去月明縣溜有遺音

獨坐投壺

綠陰清晝矢鳴壺慶馬何煩用酒娛
有主無賓聊一笑卻呼僮僕煮臯盧

登臺縱目

老眼常疑萬象低，憑高遠景更凄迷。只從此地觀吾圃，便覺江湖是小溪。

調白蓮

仙姿皎潔映圓臺，真見凌波恣意開。却是圭塘宜產汝，朝陽東照玉成堆。

調木芙蓉不花

南土風宜陸地蓮，移根培植不能妍。世間久絕司花手，却道殷韓是偶然。

調湖石

一卷千古碧崔嵬，閱盡人間紫與緋。老子未能兄事汝，

醉來聊用挂絺衣。

聽箏

冰絃轟烈倚歌輕，絃外無聲復有聲。我自忘情聊過耳，幾人聞此發狂醒。

楨和

作樂導水

清泉百折來西麓，遠逐笙歌匯一塘。從此主人多樂事，源源如水共無央。

攜妓落成

郡寮飛蓋遠追隨，觴詠臨流肯厭疲。一任東山多妓

夏家元是木腸兒

柳下聽鶯

聲似笙簧金滿身飛來應愛柳條新遙知驚破幽人夢
才信吾園有好春

舟中對鷺

泛舟避暑謝冠裳愛爾蕭然水國妝一縷風絲忽飛去
眼前有句不能忘

荷觴酌酒

軟香誰琢碧玻璃捧掬兢兢強作卮竟日罰多詩不就
墨痕少似酒淋漓

蕉葉題詩

當年懷素種芭蕉髡却中山幾免毫偶得青羅游戲耳
秋風攀桂仰天高

荷淨納涼

水雲鄉裏一蓼牀萬綠亭亭晚更香地勝境清煩暑盡
更教漁笛弄初涼

開窓看雨

紛紛銀箭射新荷添得陂塘景物多回首林慮真水墨
一窻其柰萬山何

松陰獨釣

龍蛇影裏藉溪茵一線清風畫不真
眼底得魚鮮可食山巔何似水之濱

與客泛舟

忘形談笑任停橈解后寧煩折簡招
我和叩舷誰我和吾舟有客却無簫

日夕觀山

亭西咫尺聳千巖清氣侵凌湧碧嵐
紅日欲沉山更好從他捷徑在終南

西堤晚眺

聞說平泉與午橋興衰自與世相遭
柳隄雖比沙隄少

莫景相從此最高

雨中移竹

踏泥穿徑接崇臺斲破蒼苔特地栽
我得此君心事了從今俗客不須來

月下觀梅

老樹清溪映白沙可人竹外一枝斜
黃昏信步前村去香到松林賣酒家

倚檻觀魚

濠梁樂意幾人知魚自知魚肯自欺
莫說銀絲鮮鯽膾波神應恠杜陵詩

遶隄種菊

東籬疇昔笑相看培植今非爲夕餐但與此隄同晚節
九天霜露任清寒

竹間閑徑

翠陰穿漏地無苔涼氣疏通一徑開要與此君常接迹
杖藜初不厭迂徊

水口聽琴

琮琤鳴玉已如琴更拂冰弦爲洗心我識子期千古意
直教流水有餘音

獨坐投壺

消閒偶爾得全壺心手相忘亦可娛窗外山禽忽驚起
握籌因得笑胡盧

登臺縱目

碧雲冉冉雁行低望斷郊原思欲迷隱隱玉龍飛舞處
恰知流派是前溪

調白蓮

水仙拭面出粧臺渚霧汀烟撥不開愧爾多情慰貧索
滿池融作爛銀堆

調木芙蓉不花

橘不逾淮况木蓮爾居非地故爭妍江南八月花如錦

却是天機出自然

調湖石

紛紛草木簇峩巍柳亦拖藍棗亦緋獨爾堅頑無用處
只從烟雨老苔衣

聽箏

弦風清入玉纖輕翻作雲間鸞鳳聲不用捋鬢興感慨
且圖醒却一朝醒

可翁酒間得口號二十八字

卯君爲我鑿圭塘荆棘化爲雲水鄉昨夜荷香新雨過

一年勞費盡銷忘

有孚和

檜影蟠空荷滿塘錦鄉還勝五雲鄉須臾一曲棹歌起
四座清風暑亦忘

楨和

柳陰荷氣滿池塘好景天留在老鄉翁自無心聊復爾
誰教魚鳥亦相忘

楨

侍飲圭塘賦律詩并和韻二首

人間何地不驕場今日池亭願始償四面綠楊籠碧蘚

藝海珠塵

圭塘飲乃集

三

一池翠蓋擁紅妝松搖天外風聲細竹引窗間雨氣香
莫問爲霖蘇大旱醉眠且得一宵涼

習池白合醉高陽酒債從今未易償花白好從陶令社
冠金休羨蜀宮妝雨聲瀉出九天譜荷氣鍾成百和香
頭上黑雲真有意要催詩句助清涼

翁用楨韻二首

城西風物擅安陽鄉社而今債已償自笑衣冠成野逸
更從花柳看時妝酒沾松露涓涓冷詩入荷風字字香
莫道年來無事業等閒成就一天涼
半畝方塘學紫陽道心未瑩賞心償蝶飛已悟三生夢

蓮褪猶存半面妝四座賓朋連日醉一朝風雨滿城香
人間政爾愁炎暑誰信吾亭有許涼

叔和楨韻 并序

至正己丑歲相城春夏不雨早既甚六月二十九日始
雨入夜沾足吾兄乘輿挈媵姪來圭塘縱觀樂甚猶
子楨具饌且有詩兄謂有孚曰詩雖不高其意可取遂
走筆答之有孚亦技癢弗禁依韻得四首兄載賡之楨
亦自和共八章觴詠間作於荷聲樹色中不謂此身之
在塵世也時東平孟彥超來尹安陽方走神祠致懇禱
甘澍適應尤可喜也故併及之

水雲身世本純陽八座仍教宿債償且對風光留客飲
 誰教雪景待人妝芭蕉題字詩偏好荷葉為盃酒亦香
 却笑紛紛輕薄手等閒反覆變炎涼
 階下戎葵識向陽平生心事未全償池邊風雨生秋意
 林下衣冠稱道妝三迳不荒松菊茂一亭渾貯芰荷香
 仙翁命駕來聽雨未許北窗專此涼
 買得園亭位面陽百年心事一時償風吹楊柳回鸞舞
 雨浥芙蓉墮馬妝相下未成真率會洛中空記姓名香
 當時太液池邊宴不信人間六月涼
辛巳之夏吾兄以
 左轄被命留京師
 適故事率留守臣登廣寒殿視罽漏
 適御酒至恭宴池上有長句故及之

炎光只尺又秋陽生意才將一兩償學圃幽人乘逸興
 凌波仙子競新妝三生不負林塘夢滿座驚聞翰墨香
 為語安陽新令尹塵氓先荷此宵涼

可翁

太常引四首

七月十九日賦

圭塘種藕已多時貼水曉星稀生意一朝回便萬柄紅
 酣綠歛連宵驟雨透空繁響清絕不容詩對景寫襟
 期要無愧鴟夷子皮
 幽人早起赴池亭看初日照娉婷風蓋露珠傾又勝似
 前時雨聲水沉香裏錦雲深處雙檜插天青一葉釣

舟輕似野渡無人自橫
四隄楊柳接松筠香破水芝新羅襪不生塵笑畫裏凌
波未真紅雲飄渺清風蕭颯半醉岸烏巾不是葛天
民也做得江湖散人
雲舒霞卷萬妝穠倒影水天紅池轉小臺東又一種娟
娟玉容仙肌綽約奇芬清遠搖動水晶宮一笑對衰
翁好同赴廬山社中

有孚和

藕花無數半開時池上客來稀杖屨獨徘徊忽翠蓋因
風盡欹天工妝景水神輸供陶寫費新詩身外杳難

期笑士價才堪五皮

綠衣持節擁亭亭玉立萬娉婷一見寸心傾任詩畫無
聲有聲新篔簹葆蒼梧張蓋山色入簾青雲澹午風
輕看樹影西窗又橫

水文湘簟織霜筠座客句清新何物是紅塵更著箇漁
舟寫真趙公琴鶴謝家絲竹漉酒又陶巾不獨太平
民好鳳閣鸞坡舊人

鵲妝仙子謝纖穠獨立水雲紅綽約畫闌東似姑射冰
肌雪容翠盤承月玉杯擎露粲粲藥珠宮真賞有鄰
翁盡添入霓裳曲中

楨和

池亭荷淨納涼時，四面柳依稀。棹得酒船回，看風裏沙
巾半欹。殘霞照水，夕陽明樹，天付畫中詩。應不負歸
期，更誰看桃花面皮。

西池池上好新亭，紅翠鬪娉婷。翠蓋幾番傾，聽水上紅
妝笑聲。歸來鄉社，不關塵事，活計問樵青。世事一毫
輕，看西嶺晴雲莫橫。

藕花香裏有叢筠，照水綠梢新。清潔出風塵，似特與幽
人寫真。門無俗客，地多清興，羽扇白綸巾。甘作太平
民，故自謂羲皇上人。

澹妝素服更纖穠，清致不須紅。佇目畫橋東，一掃盡人
間冶容。麻姑何在，嫦娥昨夜，飛出廣寒宮。天亦爲詩
翁，把好景都移此中。

可翁

圭塘獨坐賦四律

我作圭塘未及年，眼中生意浩無邊。三秋未半荷沃若，
一日不來心欲然。自古人生求適意，只今先務是歸田。
管絃何似填箎韻，此去新詩幾百篇。

西郭園亭近市廛，市廛雖近足風烟。陶家事業惟栽柳，
周子襟懷託愛蓮。莫向人間爲白眼，試從水面照華顛。

悠悠千古滄浪意時上扁舟自叩舷
我屋來西圃輪蹄二里遙晚風收菡萏秋雨長芭蕉有
酒容開口無官免折腰柴門莫堅閉恐負野人招
地僻心逾遠詩多意轉長陰森穿竹徑甘脆剝蓮房魚
長已堪釣醅香先自嘗敢言誇書錦聊復此圭塘

有孚和

天與安閒未老年杖藜無口不池邊古存兩檣待真賞
瑞毓雙蓮非偶然但要蓮籬皆種菊從教負郭却無田
和陶未盡發臨興更誦南華內外篇
池上新亭僅一廬池中風物飽雲烟底須太華峰頭藕

且對匡廬山下蓮飲酒有時如白醉揮毫無用效張顛
扁舟盡日橫秋水客至何因喚戛舷
小酌西隄上松陰曲逕遙竹金搖翡翠杯玉碾芭蕉雨
急添池面舟閒纜樹腰嬾無書折簡佳客不須招
林泉風景別山色與雲長酒友招元亮仙游憶子房鱸
鮮銀細縷粳熟雪初嘗自愧無佳句其如負此塘

楨和

一束辛勤四十年神功收斂老溪邊高牙大纛皆徒爾
野服黃冠任自然但得醒心多勝槩肯因餽口望良田
圭塘此去無他事與客日談秋水篇

甘作村氓受一廛林塘花竹隔人烟四迴水色涵秋色
一片紅蓮間白蓮倦矣且歸從所好老來雖醉不成顛
採菱有曲聲清越不覺頻敲畫舫舷
日涉宜成趣行行不憚遙世途紆百折心事付三蕉日
射華明臉風來柳折腰水雲深處好舟子又相招
事去心猶在閒來日更長願治韓相圃誰羨贊公房蕭
散今方得艱難昔備嘗天公知此意返照媚橫塘

可翁

漫書

誰謂予多蹇年來儘遂心作池通活水栽竹值連陰景

物源源出門墉步步深從知非大隱有此小山林

有孚和

生意觀池上天其慰我心瑞蓮開並蒂新柳作繁陰題
品詩方進栽培歲未深當年朝市夢曾到此雲林

楨和

構築非觀美幽棲要賞心菱荷宜晚色松竹共清陰風
物四時好烟波幾許深白蓮開爛漫誰復憶東林

可翁

有舟

有舟維老樹欲動恐傷蓮遂使成虛器何由濟大川錦

善海朱壘

圭塘欵乃集

三

雲香捧擁烟月澹留連泛泛行無礙霜清八月天

有孚和

憶昨爲舟日初非爲采蓮衣冠懷赤壁泉石問伊川涉
險平生屢投閒幾月連浮生身世似行止敢違天

楨和

畫舫將焉用圭塘爲看蓮不教橫野渡且免涉長川荷
礙行還止萍開斷復連乘槎如有路相伴去朝天

可翁

大雨兩晝夜僮報牆仆而竹甚茂喜成口號
一夜銀河瀉欲乾桑田幾似海漫漫岸頽牆仆吾無憾

栽活蒼筤數百竿

有孚和

水溢仍須慮旱乾此君生意始瀟漫朝來喜作菁菁徑
其奈平原水數竿

楨和

逐婦鳴鳩叫欲乾雨聲長夜共漫漫已添方沼水三尺
洗出穿雲玉萬竿

可翁

雨後觀竹乃有墜墊摧折者數叢因周前韻
一昨移栽怕雨乾豈期平地水瀾漫此君與我真無負

摧折猶堪作釣竿

有孚和

后土泥深苦未乾幽人無寐夜漫漫此君摧折真堪憐
賴有紅霓尚可竿

楨和

從來植物怕枯乾平地誰教水盡漫叢篠巖嵒偶然耳
釣鼈吾自有長竿

可翁

新秋卽事

莫踏蒼苔破茨門晝亦關林風秋入樹波日晚搖山原

野蒼茫外烟霏指顧間更須安一榻月夜不須還

有孚和

池亭殘暑去樂事日相關徑列霜前菊窻招雨後山好
詩來枕上爽氣滿人間極目崇臺晚遙天一鶴還

楨和

西園無俗客盡日掩柴關柳岸行觀水松窻卧看山功
名付身外天地寄杯間目送行雲去翩翩倦鳥還

可翁

秋陰

秋陰宜沼上蘚翠不曾乾聽雨朝欹枕觀雲莫箇闌地

寬人自在松茂竹平安天遂閒中樂年豐酒不難
有孚和

雨止雲猶密尊空硯不乾郊原誰植杖臺榭我凭闌景
以人增勝閒知夢益安賦詩因調笑倚和羨才難

楨和

水面波紋定隄傍土脉乾清風雙鼓棹薄莫一馮闌綠
野思裴度東山訪謝安及辰行樂爾世路任艱難

可翁

漁家傲四首歌圭塘四時也

冰盡泉香雲縹緲韶華隱隱浮林杪酒在葫蘆魚在沼

清晝悄好音時復來黃鳥 管領風光心未老衰顏却
怕清波照有酒可斟魚可釣能事了東風一曲漁家傲
窻影修篁搖翠葆牆陰幽逕連芳草鷺地雨來荷葉關
香更好亂烟浮動紅雲島 穉柳千條絲嫋嫋柳邊宜
著蘭舟小世態紛紛何足校收桂權烏鳥且和漁家傲
露洗璇穹青杳杳年光紅入灘頭蓼翠葢撐烟吹半倒
霜信早一區寒影磨清曉 早是軒扉塵不到好山更
與供登眺酒債漸多詩債少翻水調西風幾疊漁家傲
落日崇臺寒力峭登臨恰似尋安道有竹何人能徑造
吾不諳相逢要遂掀髯笑 雙檜凌空龍天矯有知定

訝人枯槁珍重歲寒冰雪操君自寶老夫且唱漁家傲
有孚和
莫訝圭塘春縹緲要知生意從冬杪柳動長隄冰泮沼
庭院悄舊巢又見來玄鳥九十韶華容易老鏡中勳
業慚頻照招飲便須忙罷釣休醉了東君要聽漁家傲
濃綠園林光莫葆詩翁只愛窻前草驟雨才過蛙又鬧
亭館好日長人在蓬萊島風度新松聲嫋嫋酒酣却
笑瀛洲小柳外荷邊休計較皆可權采蓮人和漁家傲
雲外賓鴻聲漸杳羈人聽罷如嘗蓼我對清尊時復倒
風露早黃雞果是能催曉蓮褪殘紅涼乍到水天一

色供遊眺短笛悲秋知者少吹別調新翻商意漁家傲
雪後西山崖壁峭奇觀難與他人道煨芋有爐無客造
從壑誚巡簷且索梅花笑冷蘂疎花開矯矯水村妝
點霜林槁賴有此君同節操成二寶淺斟低唱漁家傲

楨和

青入西山烟縹緲天機只在菰蒲杪風解冰漸融小沼
人靜悄一聲何處啼山鳥杖策尋芳逢野老草芽柳
眼明殘照歸到圭塘還獨釣心事了簫聲暖如漁家傲
衆綠初生如羽葆池光搖漾連汀草紅杏已無春意開
風致好水中三嶼如三島荷葉如錢蒲嫋嫋石渠靜

聽泉聲小從此圭塘時檢校停短樞柳陰高唱漁家傲
鴻雁翩翩雲路杳蘆花如雪迷紅蓼荷葉不禁風雨倒
秋意早詩懷清似霜天曉 獨掩柴扉誰得到高臺日
暮宜瞻眺清致日多塵事少歌古調新聲移入漁家傲
萬木凋零巖壑峭一機消長觀天道松竹園亭時一造
誰敢請獻水煮茗供談笑 自負平生心矯矯三閭何
事形容槁琴到無絃誰與操懷我寶相逢且賦漁家傲

有孚

瑞蓮歌 并序

圭塘落成之明年七月既望吾兄中丞公與客小集塘

西南雙洲前產瑞蓮駢花亭亭異帶同附殆陰陽和氣
鍾爲禎祥天以慰老臣錫眉壽而昌子孫也惟公高科
起家致位永弼贊化機培善類三十年矣謝事來歸田
不足供伏臘而林塘栽植竭力資之蓋欲靜觀四時生
意之妙與造物者遊而積善餘慶吉事有祥嘉瑞之見
理亦宜哉有司欲以上聞公退然不居而好事者繪爲
圖矣有孚退而閱史唐開元至宋紹興四百年間僅十
七八見表箋歌頌逢涌沓作雖不奏祥瑞乃公素心然
游泳至和詠歌太平不可無也乃爲之歌曰來具圖
圭塘活水分清洄主人嗜好同先賢蓮根培植未踰歲

孰謂一旦生嘉蓮初疑霞臉影附鑑又似絳幘了分鬢
幻成彩鳳翼自比琢開香玉環仍連李唐以來具圖表
趙宋奏賀尤駢闐我元聖德極涵育瑞應只許書有年
嘗思至正辛巳夏吾兄實握綱轄權廣寒殿下太液池
亭亭並蒂薰風前守臣有請願馳獻獨以義折煩便便
歸來對此蹄涔水肯將異草誇里應吾鄉自昔號多士
諸君巨筆如修椽僉言此是閭里榮歌詩倏與圖俱傳
身閒意適物 寓園林何必皆平泉天公端爲表餘慶
慶緒日與絲綿綿蓮房有子風味好不待食藕沉痾痊
願言七澤均此瑞主人福壽方如川

可翁和

相攸西郭濱吾洎老病宜退非遺賢平生竊慕君子德
池上種竹池中蓮蓮兮胡獨出奇異晬房蘂簇金絲卷
二姝同體面目別七澤移種根株連書祥史籍見歷歷
走觀士女來闐闐人言培植久方盛一泓疏鑿未及年
自知不作駭俗事茲焉誰握生發權形容敢勝周子說
肝暉又在太極前亭亭照影欲輕舉凌波微步俱清便
倦遊夢不到玉井歸來老屋安一塵小池偶爾薤蕪葳
池上弊亭才數椽酒從鄰貴已多債詩取意適誰令傳
天公特與慰岑寂嘉瑞湧出如源泉卯君有倡阿買和

僮歌况復清且綿擬爲表頌僭歸美奈此癩痼誰能痊
子心真樂更多有傍花隨柳在前川

植和

太行山下溪名洹洹溪主人今得賢石渠分溜入方沼
種出萬柄紅白蓮就中一茄發挺特艷妝雙出雲髻鬢
有如二女降媯泖翠裙紅袖相牽連岐分駭目未信宿
里傳傾耳何喧闐波神有爲獻嘉瑞要並太史書豐年
主人謙德不敢有福善自是天行權亭亭植立萬花表
可人適在亭之前日酣欲語轉嬌蛇風動似舞尤輕便
一時圖寫溢統素十日車馬空市廛昔聞冀莢曾表異

乃因土階與采椽景星鳳鳥豈常有考信前史真宜傳
醴湖蕪塞不復見而今乃濯圭塘泉禎祥奕葉定不斷
藕絲萬縷相纏綿幽人到此自怡悅膏肓泉石尤難痊
要須紀錄入郡乘千年增重吾山川

有孚

侍兒池上對景書懷

天機寒燠自潛通殘暑何勞用力攻萬柄荷聲秋雨裏
一窻山色夕陽中初心人未漸青史晚節兄當訪赤松
歲月等閒成老大池亭何幸有從公

可翁和

藝海朱塵

圭塘欵乃集

辰

舳舻時泛一橋通詩壘誰能四面攻官業向來慙柱下
仙遊隨處是壺中風聲細細來雙檣波影澄澄見七松
笑傲滄州人老矣功名付與黑頭公

楨和

平生心事負清通得失何須較面攻人道神仙遊海上
天教宰相住山中四方舊植多桃李三徑新開滿菊松
野老從教爭席坐不須牀下拜龐公

有孚

睡起偶成二絕

清風枕簟水雲鄉夢覺槐根百慮忘起課山僮笑多事

飼魚跟藕摘蓮房

松竹平隄飯後行眼前幽事總關情忘機魚亦如鷗鷺
能識溪僮扣檻聲

可翁和

衰病天教遠帝鄉君恩一飯詎能忘但愁今日人輕議
世有赤松無子房
舍則宜藏用則行聖人於世豈無情強顏欲鼓齊門瑟
何似圭塘欸乃聲

楨和

乞得西園作醉鄉浮生俗務總相忘水雲清徹荷香裏

小艇虛明似洞房

賦詩舒嘯杖藜行
水色山光不世情
醉卧午窗誰喚醒
柳陰啼鳥兩三聲

有孚

即事

理檻存茶竈
維舟過酒缸
水光浮北棟
花影在西窗
行樂時休失
高飛氣未降
相看終不厭
庭檜拂雲雙

可翁和

秣田秋半熟
香入小磁缸
霜水清浮簞
烟嵐翠可窺
酒添詩癖重
茶戰睡魔降
小問登山屐
吾生費幾雙

楨和

曠水花明樹淨香
酒滿缸上書辭北闕
寄傲倚南窓處
世心無慊論文敵
已降圭塘有溪友
國士任無雙

有孚

圭塘雨後督修堰
歸坐嘉蓮亭有感十一日

聆此三洲水
功輸一歲勤
陰留西圃樹
清度北溪雲
花竹環隄上
亭臺錯水濱
每勞賓載酒
時與客論文
值雨天相戲
修防事又殷
橫流誰紀極
岸場我厓垠
水底升艇子
泥中出此君
比徒紛舂鍤
竣事幾朝曛
汲汲同援溺
憤憤劇拯焚
感時空付恨
對酒豈圖醺
輕薄雲中手

艱難鏡裏勳學方知有道境已入無聞竟句期靈運攻
書擬右軍杖從鄉老植席許野人分調變功攸屬浮沉
意不羣歸來理細帙剔蠹拾香芸

可翁和

嬾是平生癖歸田始克勤灌園時汲井學稼曉耕雲窗
取山千疊舟巡沼四瀆倦遊當稅駕勇退免移文誰識
予心樂都忘俗務殷圭塘清見底銀海浩無垠潦倒惟
營口迂疎愧致君天開方外境塵見隙中曛酒欲連宵
飲膏須繼晷焚讀書嗟坐廢娛老却宜曠園綺知高祖
巢由負放勳至人先大節餘事及多聞詩少慙工部鞋

多笑領軍郊原輒歲計風露逼秋分且曳泥中尾休空
冀北羣崇臺還一上萬物正芸芸

楫和

山人新學圃要慰一生勤方沼瀦清水平田種白雲紅
蓮迷水面青草亂溪濱有客須沽酒無錢每鬻文中
緣已定池上事徒殷小艇通山島新詩動八垠輕風宜
桂權鳴溜合桐君淨室凝爐篆斜窻映隙曛荷杯方適
用芰製莫輕焚欲發詩書韞仍須麴蘖醺儘修閑事業
休論舊功勳流水心無競蠅聲耳不聞迹追裴相國詩
擬鮑參軍天宇雲無礙溪橋路細分寒梅在花部野鶴

鬻雞羣萬卷書無恙收藏更種芸

有孚

鄉友具宴漫成 十三日

樂意相關好鳥鳴可憐歌舞漫多情日斜山氣如雲氣
風急松聲似雨聲落魄不違鄉社飲棲遲須結歲寒盟
圭塘活水清如許不獨滄浪好濯纓

可翁和

相望不隔一牛鳴尊俎過從見至情荷露清涵芳酒氣
松雲寒逼艷歌聲高車駟馬初無意白酒黃雞舊有盟
醉脫烏紗從露頂絕勝前日縛塵纒

楨和

不平常欲以詩鳴詩友還能識此情一座笑談皆有道
滿前圖畫豈無聲雞豚已逐聯鄉社鷗鷺何妨締舊盟
却笑終軍苦多事不攻經籍請長纒

有孚

侍兄赴圭塘

時出西門履信坊望中楊柳是圭塘軒車每被兒童識
風物能令杖屨忙山客荷囊多草藥溪人抄紙滿鄰牆
年來頗識幽棲樂愈覺林泉興味長

可翁和

雲每朱壘

圭塘效乃集

三

卜築何如履道坊千紅萬綠浸銀塘要回衰境爲全盛
却使閒人號最忙活水清園容膝屋新篁高出及肩牆
烟霞遮斷塵埃路才覺山林白晝長

楨和

清晨走馬碧雞坊點檢西園數畝塘花柳前川成自樂
輪蹄終日爲誰忙釣魚岸口迎新水沽酒鄰家過短牆
半醉莫催翁命駕月明松影引杯長

有孚

嘉蓮亭宴罷奉陪泛舟夜分始歸賦詩三十韻
是日之宴渤海縣尹吳安之以使來具也

開七

月二十一日

池亭秩芳筵落日舫始放晴空散餘霞秋水淨氛塊高
荷雖離披尚爾綠彌望拳豁成璧池不礙雙槩盪縈紆
湛澄碧天宇益虛曠石竇來驚湍松隄俯新漲鼎立洲
嶼連泓洞時一傍飭餼羅珍羞傾倒出奇釀侑以二名
姬朱絃倚清唱凝雲響空翠幽禽或翻翮所愧杯行遲
負此百川量須臾羣動息露氣白沆漭洒然毛骨輕不
獨情緒暢鐙火空蒙中彷彿江湖上陋彼西園游飛蓋
何冗長云胡漢陂行亦復怯風浪而我方扣舷馮虛恣
搖蕩吾兄嚴鄭流高節張邴充少飲如醉翁浮此齋畫

夢海珍塵
舫頗恨交游稀每每折輩行遂令子弟間日侍屨與杖
樓船憶當年樂事炊一餉望洋失所操伏櫪今在鞅靜
言校疇昔所得多所喪與從天上人何似山中相但恐
時易失俯仰異欣悵銀漢淺且清神槎喜無恙人生貴
適意前修語非妄榜人報更闌列宿光蕩漾故舊東海
頭何當剡溪訪

可翁和

膠榮四十年弛擔甫天放雖云在人境心遠絕塵埃况
茲游騁地秋色入四望草木已向榮雲水自相盪窻虛
得山多臺高知野曠清泉來汨汨節制無暴漲何須過

前川園有花可傍玉肪薦肥粃銀漉注新釀時貴孺子
歌底用小海唱龜魚共游詠鷗鷺來栩栩賓介亦何常
小大名有量子房屈已下高祖隱芒碭君臣倏際遇功
業驚洽暢挺然三杰中奮乎百世上一朝事辟穀身外
物皆長乾坤任俯仰形骸貴放浪萬事雲悠悠一笑天
蕩蕩鶚謝累百薦龍成上九亢人生幾兩屣芒屨乃兩
舫徒令方寸心戚戚復行行吾年今如此出入必扶杖
故人念衰老千里牲酒餉向鼓烟波榘永稅塵俗鞅境
勝夢俱清位失道未喪誰言管城子初非食肉相興來
使陶寫形役豁惆悵苦吟尚作崇樂飲不爲恙微免大

過勿藥喜無妄厭厭詎可極明河月浴漾庶足充淹留
還如李公訪

楨和

謝事居山林居隱言不放幕天豁蒼蒼席地從塊塊魁
然保身誓肯作延頸望舟從范蠡遊誰復求烹盪酬驩
酒有時度德官無曠方沼維莫秋清波縮寒漲菰蒲相
媚嫵魚鳥自依傍溪友薦新鯽長須沽村釀時聞墳篋
鳴三歎應一唱賓鴻方叫羣歸燕尚翻翮有此家山樂
不較江海量朝來試拄笏爽氣亦何穉清供既已多幽
情自足暢雖居城市問宛在羲皇上禮法貴真率服食

戒侈長平生事直道所遇非孟浪風景晚舒徐郊野莽
寒蕩里氓新相知我匪塞元清風動綠漪明月滿歌
舫竹爲君子交梅作丈人行圭塘策枯藤不用錫几杖
散步遵微行晚食謝餽餉水濱蹙弭楫沙頭時掉鞅險
語從鬼泣斯文未天喪遙遙東山遊復見風流相千仞
立巉巖衆目駭怛悵清泉與白石膏肓特徵恙蹤跡諧
四休思慮絕諸妄洗耳就潺湲拭目明滉漾西山景更
多佳處時一訪

有孚

偕故人趙寬齋胡安禮奉陪泛舟

八月七日

錦幔高張綵纜收
畫橈徐動浪花浮
招呼版築霑餘酌
時方版築舟過其
下輒過飲役者
收拾綸竿作爛遊
垂柳如雲藏一島
小橋成徑接雙洲
洞簫休品江南曲
風月難忘赤壁秋

可翁和

駭浪舫歸百技收
回頭人海自沉浮
幽閒時作蕩舟劇
疎懶猶能與客遊
紅蓼白蘋鷗鷺國
清風明月鳳麟洲
諸君更約源源會
不泛黃花不算秋

楨和

碧天如幕晚霞收
觴詠從容勝拍浮
去歲已爲亭下飲
今朝宛在水中游
玉杯酒映紅雲島
宮錦袍明白鷺洲

更看波光涵月影
人間只尺是中秋

有孚

雨霽泠然臺觀山
十三日

連朝雨云虐今日山却好
走馬向圭塘忘餐事
幽討拾級崇臺雲散策
芳徑草巔巖太行巔
隱約林慮道巘岫
紛獻奇高低翠如掃
平生頗樂山肯信玄髮
編開襟納浮嵐俯檻看
飛鳥不有泠然臺孰覺
趙魏小

可翁和

輕風水無波落日景
逾好馮虛思橫生萬象
因搜討窮幽眼未花
得意詩不草勿謂城郭
近下有往來道心遠

地自偏興來無灑掃收藏千鈞弩莫用穿魯縞悠悠歎
浮雲翩翩羨歸鳥一任坐井徒譁然說天小

楨和

秋容在新晴風物事事好山色可攬掬詩料助深討西
風響疎林晚烟接衰草前溪有小舟何處訪安道蒼苔
淨可坐落葉從不掃松下鶴昂藏裳衣復衣縞西山列
畫圖圭塘富魚鳥願進一簣功直使衆山小

有孚

記塘上草木二十四首

雙檜如雙虬天賦形天矯蟠根九泉底挺秀重雲表昨

夜聞風雷走視寧待曉慎勿變化去須君鎮吾沼

七松何山來亭亭此焉萃託根在林塘實與泉脉會人
生無百年撫倚成永嘅珍重明堂材我但觀偃蓋

曲徑通池亭有此一隄竹瑣碎影搖金琤琤聲振玉高
歌淇澳詩宛若淇園綠君其亟走鞭主人厭梁肉

亭前四梅樹來自江之南易地不易性培植吾所甘調
鼎本無心僵木何用慚且圖慰幽獨松筠成友三

何年植此柏嘉與雙檜鄰霜雪助孤勁雲烟護輪囷葉
香來彩鳳影曲驚潛鱗服食吾不暇歲晚見天真

文楸如青幢陰覆釣磯濕又如紫葢縣高花間紅碧持

竿憩其下烈日爾吾羃猶勝析爲杵飽食事博奕
屋角有老杏枯枝若枯槎春風一披拂蓓蕾團丹砂董
園欲種德花落不用嗟尚憶曲江宴我園同此華
婆娑合昏木枝葉方敷榮卷舒爾無爽栽培我有情紅
麩間層綠團欒若繁纓未能傳嘉樹且飾鳴珂行
老樹凍留根生意今始穿薰風能作花猩紅目爲眩結
實尤可人纍纍采色絢好是無車馬清澈安石院
朝陽香霧裏風清露未晞佇立若凝思鬱金捲仙衣對
之不敢褻冠佩澹忘歸何以明高潔圭塘竹日暉
粲粲白玉簪墮自天仙髻幻作奇絕花清香偶蘭蕙蛻

形冰雪窟脫身脂粉磴云胡不自持終焉芼薑桂
芭蕉葉可愛移根神虜阿題品待詩客未許僧占多莖
絲真適用花異柰俗何幽人亦分綠用寫考槃歌
雞冠子甚微造物巧成就植立意欲騰怒長勢如鬪軒
昂自避羣尸鄉莫吾購永懷鈞天庭絳幘唱壺漏
環池有異莧紅壓珊瑚樹亦有間鵝黃絢爛五色具蔬
品爾最微點綴秋獨富但恐西風高菱蕖在霜露
西蜀神仙花住此圭塘上春深風日暄睡足錦圍帳佳
人在空谷詩翁有藜杖不須秉燭觀吾方稅塵鞅
叢條宛如荆作花蠟爲胎茅簷曝冬日亦復凌寒開偶

以臭味似冒名百花魁綠葉夏可薦寒泉時一杯
郭西雪一株王郎爲移栱月明小院春生意孰可過粉
香花漸衰紅消實堪掇繞樹笑文園何由更言渴
青葱環堦草花發始知萱芳莛孤秀煌煌勢如鸞鳳
兮何德衰比擬或失言主人酌酒罷嬉笑弄諸孫
園丁笑麤俗勝地乃栽桃紅霞條如雨作質償吾勞化
工有深意盛時隨所遭易落還易長吁嗟吾二毛
西隄有穠李照夜雪千堆綃裙垂練幌宛若盧家來笑
哦韓蘇詩耻我筵前醉後挂冠卧花神莫吾哈
種菊遠圭塘花發秋欲莫露零沾壺尊清香隨杖屨我

非隱逸人却與花有素行看根入池化作甘谷注
明窻臨晉帖馳倅覓來禽栽培日以茂用比雙南金但
看花實時粲若錦繡林鳥食吾不惜毋令蠹其心
灼灼紅燈花揚州佳麗種主人舊使君當堦自培壅憶
昔金帶圍花曾兆榮寵歸來老圃中相顧腹一捧
層臺秩名品幃幄綿繡張匪徒事富貴花尊有姚黃歐
嘗記洛俗坡亦懷錢塘花於吾有助醉墨灑天香

可翁和

吾家青牛君伯仲龍矯矯不似丁令威暫來立華表鬼
神護斧斤風霜幾昏曉摩娑左細文曾見陸爲沼

徂徠以多賤吾圃斯拔萃遠從他山移清與幽境會樂
天才四十栽爾已興慨吾年六十三方期翠蓋蓋
長公有名言不可居無竹僕僕斲蒼苔森森植寒玉聲
來書幌清陰入酒杯綠何須更晚食此君應當肉
春風爲花魁先路來枝南但憐結成實能酸不能甘世
自不可口根在吾何慚年年共歲月華我徑三三
蒼官昔多事乃與羣鳥鄰何如在圭塘亦勝居神困老
根已作石霜皮不成鱗不用歎不遇參軍能寫真
朝來花斬新莫雨墜紅濕藤蘿助奇觀羅帔層層碧
黎性苦隘政爾要蒙幕一笑問秋乎還能誨人奕

枯樹影在水浮動如仙槎昨日春意開今朝雪滿沙
榮悴等兒戲老懷無歎嗟作實助殺核明年還看花
有木知尚時手植日向榮無忿底用蠲聊用寓野情
亭亭羸翠葆穆穆散紅纓青裳勿異字姑以合歡行
濃綠千萬枝火齊中貫穿山人晝眠起銀海日俱眩燥
吻行可濡寒裂紋玳絢無賦繼殷元虛塵翰林院
曉涼振弱體月墮東方晞香塗漢宮額潤展華陽衣
應朝通明殿金杯承露歸道妝豈子媚池影動清暉
司花琢清貞不掃幽人髻叢爾草堂陰香軋百畝蕙
月露映冰壺美芳積磴磴著我沉水鄉庭前更叢桂

披披青羅扇敷陰圭塘阿夏窻雲影厚秋枕雨聲多
聊復爾風霜其若何休教近湖石掩映美人歌
異草非卵生綏纓始天就驚風振細葉宛若三市鬪赤
犢不煩憎縛賣孰爾購因之記昔年聽聲趨待漏
雨後叢甲生俄成尋丈樹誰名雁過紅綵纈無不具環
池爛雲錦吾圃賴爾富呼酒亟賞之秋光欲寒露
花仙何許來嫣然立沼上香霧羃曉妝濛濛九華帳勿
令苦幽獨就賞時策杖秉燭夜莫歸春去無羈鞅
蜜脾擣簷蔔成此佛面胎黃中色可尚况在雪裏開盜
名匪獨我伏神出芋魁幸無鼎誦實聊用侑山杯

園丁功力深春榮到由栴花開更月明溶溶白雲逼紫
實待含津囊承躬采掇莫羨鄴侯燒且浣長卿渴
人生命慈親堂堦多樹萱忽隨靈椿化冥冥俱高騫此
憂詎可忘肝摧不能言對花聊自慰白頭還抱孫
昔人避秦亂川源多種桃我幸遇明世栽培胡自勞看
花食其實爲圃豈不遭疎懶強鞭策猶勝宅不毛
清夜遊西園磴磴白雲堆東風苦愛情不遣過牆來何
須領張徹且復傾我壘茲焉不省錄寧免長姬吟
人間隱逸花開發宜遲莫三徑連松陰百繞穿葛屨秋
容淡籬落寒香入毫素掇莫泛濁醪盆甌親挹注

作甘最夏果其餘招衆禽啄吾不惜曷酬就地金呼
童日毆護青紅猶滿林禽飽人亦飽於焉獲我心
造物眷花王擇后降嘉種英華得既多加以人力壅楚
楚御衣黃遂冠羣芳寵羣芳各有匹勿用贖而捧
開元得四本花本茲焉張衆色各有態世獨推其黃我
非富貴者胡爲植圭塘天教風露夜受用一庭香

楨和

雙檜立不倚是謂強哉矯栽培歲月深挺出風塵表正
氣凌太虛老翠宜清曉毫宮今何如且復安此沼
竹樹滿池臺松乎拔其萃根與土相安心與景俱會撫

之足盤桓奈封成一慨相報爾何速裨暑不張蓋
生平僻好幽所至必求竹特開數畝田種此萬竿玉節
月清影碎出牆新稍綠歲晚淡相看何妨食無肉
圭塘富春意盎若庚嶺南策杖時一觀忍凍吾所甘自
是百花魁豈但桃李慙夜來雪有月照見花兩三
池上有老栢風烟爲四鄰出根堅似石挺質圓如困鸞
鳳方託宿蛟龍未蛻鱗材大爲用難何如任吾真
擇勝植佳木池邊地宜濕化作萬庭花先看一庭碧春
風播馨香曉霧爲蒙叢休羨千戶侯富貴劇如奕
仙家杳何許欲訪無靈槎春風如鼎竈滿樹出朱砂明

朝成白雪幻化益可嗟一笑勿多語孔壇萬年花
舍前植奇樹不日見滋榮合驩且合昏有色復有情晴
烟蔭幢節輕風颺綵纓莫飾黃金勒幽人方獨行
愛此安石榴翠樾受紅穿照眼眼欲迷爛若火雲眩簪
擬宮髻然栽入舞裙絢時見子初成蒼苔滿深院
園中有黃葵含露待日晞玉人宿醒起澹妝安道衣戲
把流黃杯西風醉忘歸檀心不自掠盡展向晴暉
素娥宴仙家醉歸鬆寶髻遺簪孕作花清芬不讓蕙夜
涼小窻陰回風轉香磴相伴何人斯古香有老桂
芭蕉我所愛移植庭之阿綠草封事少羅扇清涼多秋

窻一夜雨繁響如愁何明朝就葉上寫我長短歌
有草如雄雞赤玉巧琢就不聞長鳴聲樹立若期鬪衆
葉方離披千金不可購報曉弗用爾高眼謝更漏
賜胃喜藜莧培植乃成樹紅紫葉爲花青黃天爲具矮
籬秋意深小園晚景富鴻雁殊未來西風送清露
我愛花中仙時時到池上風破臙脂粒烟作雲母帳睡
足曙光遲幽人方倚杖何用遊西川吾園堪掉鞅
銅砌黃金塗中色爲胚胎不用校名實俱是東君開幸
廟丈人行敢作羣芳魁何妨對磬口時復傾金杯
微雨濕鉛華芳妍滿槎枿東闌昨夜風飛雪不容過小

圃未闌珊佳實行可撥人生幾清明一醉忘饑渴
人生有所寓北堂惟蕤萱翠筵曼鵠指丹葩驚鳳簪芳
潔擬蘭蕙忘憂復何言宜男更有驗常伴竹生孫
武陵不可到吾圃自宜桃作實可立待區區匪徒勞蒸
露紅縹緲流水紅迴遭便須酪酏醉萬事輕鴻毛
晴雲映禮李萬事繁如堆葦綃暖日透綃袂香風來搖
落亦可人紛飛入尊罍肝膽醉不邪恐爲玉川吟
種菊滿東籬徘徊風景莫采之不盈握草露濕芒屨無
酒只餐英安分行吾素懷哉斜川人停雲目空注
嘉果味何甘得名因致禽美質瑩如玉朱砂點黃金芳

譽留晉帖作貢稱文林青李勿相違作詩寄遐心
當堦種芍藥美麗非一種紅紫鬪嬌艷風雨勞蔽壅甘
作春光殿乃專衆芳寵對花當若何金鍾日須捧
花王元富貴造物更鋪張列檻紅間白擅場紫配黃吾
園足花品獨爾張林塘今日好風色滿天吹暖香

有孚

池亭苦雨松竹皆黃書事

驚見黃萎及七松徑旁竹亦不能叢怨咨固是小民罪
位育誰虧大化功濕氣連天雲易雨秋聲撼地日恒風
主塘草木渾閒事可惜郊原禾黍空

一作挽回生意須
開霽晚節真真藉

空

可翁和

誰教淫雨害吾松更偃窗前竹幾叢
晚景盤桓方取友經年培植已成功
堅貞未許移天性光霽行將藉曉風
珍重歲寒心自在却馮孤月照霜空

楨和

點綴池塘藉竹松松方挺挺竹叢叢
上天何事連朝雨老圃都淪一歲功
生意此時須曉日秋聲何處是西風
歲寒節操誰能易三徑佇看青滿空

楨

圭塘草木續詠六首 并序

從父都司先生記圭塘草木詩二十四首句精意足體
正法嚴楨也僭和嚴狎具稿既進而竊有疑焉夫仁人
君子之於物雖小大不同所以與進造就之心則一圭
塘草木皆先生培植之功草木之獲至圭塘亦皆先生
進拔之力也然有不得在吟詠之列者豈非以圭塘唱
和嘗及之耶抑亦有所遺忘耶梅也松也竹也柳也荷
也嘗及之矣而梅松與竹今茲又蒙專詩柳與荷不與
焉况若槐之植德桑之濟世椿之靈壽榆之適用而皆
棄之六者有知將有憾也謹續為六詩共前為三十詠

僭妄之罪伏于寬恕教誨斥正又有望焉
 昔人植三槐百世猶青青所貴德充符豈但陰滿庭黃
 花兆舉子厚蔭生公卿不見王祐家坡仙有堂銘
 有地悉栽桑豈但樹牆下修條蔽麥隴綠葉茂槐夏欲
 作成都謀敢比齊魯野老人無贏餘衣白樂鄉社
 我觀木有椿何異人而仁仁者必有壽此木宜千春栽
 培幸成趣佳兆在主人主人信不俗植桂為之鄰
 我山隰有榆移植圭塘上歷歷近仙家夾道起尋丈春
 火生青烟晚景尤可尚莢也雖無才不似楊花蕩
 此柳何風流栽插徧庭院才抽綠玉條便散黃金線弱

體不勝鶯纖腰似飛燕心事如淵明但比五株羨
 引泉瀦為沼種藕才一年紅妝映翠蓋水晶宮裏仙凌
 波階明鏡捧擁來三千應同娛野逸莫教閒酒船

翁用楨韻

涼颺動空碧修枝振高青張幄却炎暉交陰可中庭不
 煩位三公政爾宜冷卿南柯莫記夢陋室方為銘
 幽人非浮屠日日戲桑下愛其濟世餘重綠莖朱夏昔
 賢事游觀竹木萃綠野繼踵吾不能但入老農社
 靈木享遐算異質稟至仁後先八千歲才是秋與春蒙
 莊發揮後塵世閱幾人吾材實樗也賴得爾相鄰

託根鄉社間遠跡關塞上春莢羹萬錢大勝食方丈東
隅何失之收之敢高尚歲晚澹相看萍蓬謝飄蕩
依依曩長條漠漠迷小院縈風輕作綿穿露巧如線不
復管別離招鶯更留燕會看成車蓋吾圃有餘羨
華部愛君子移栽未逾年生意自邈達主人豈花仙初
日爛雲錦靡自知幾千遠觀敢褻翫柳陰維小舩

叔和楨韻

高槐殊可愛密葉屯雲青閱市遊肯館過位揚王庭秋
風適作花植德資墨卿得意十二街斯語心當銘
樹桑五畝中畦流遶其下遠揚看深春沃若羨初夏願

言敦本心毋使質勝野勗哉王道成雞豚樂吾社
圭塘挺嘉植雨露涵深仁一株尚未老八千有餘春陋
彼擁腫樗娛我逍遙人託根况得地寶樹爲芳鄰
晚年樂份榆好景更池上夾道不成籬清陰灑雨丈改
火歲所資食皮何可尚勿逐春風顛青錢給游蕩
春從何方來綠我楊柳院東風巧亦甚搓條盡成線願
學柴桑翁幽居樂閒燕飛絮任爲萍樊圃折其羨
愛蓮比君子鑿池憶當年風月夜光霽靜對凌波仙亭
亭葉無數粲粲花幾千花嬌葉可製寧能藕如舩

有孚

憶梅

十二月四日風雪
大作時在陵州

爲憶圭塘四樹梅不知別後幾枝開
狂風惡雪忽如此嫩蕊疎花其殆哉
青女未能將暖至翠禽端爲問安來
歸期只尺春光好慰藉冰肌有玉杯

可翁和

孤高貞勁愛江梅歲歲凌寒雪裏開
疎影在窻雖偶爾暗香來座本奇哉
西園老子巡簷去東閣佳人覓句來
莫聽高樓風外笛且教檀板侑金杯

楨和

河北高寒少見梅年年吾圃有花開
深紅淡白非徒爾

對飲狂歌亦快哉京國故人成夢想
鄉關驛使寄書來歲寒冰雪相看處
卻似同持瑪瑙杯

有孚

不寐有懷圭塘明日遂行

初九夜

幾夜陵州枕圭塘入夢思凍消梅早放
春近柳先知涉世元無策還家賴有詩
促僮勤秣馬詰旦是歸期

可翁和

去我才旬日渾如久別思劣兄恒在念
難弟亦還知且飲團圞酒徐觀跋涉詩
梅邊松竹茂好共歲寒期

楨和

圭塘欵乃集

圭塘欵乃集

卷六

極目鄉關遠臨風有所思莫疑歸太晚祇恐負相知縮地思奇術懷賢和舊詩石鯨流水處餘響付鍾期

有孚

十二月廿又二日觀雪泠然臺城郭山川四顧清爽小兒誦東坡先生聚星堂詩甚習殊可樂也因憶馬明初云往歲德常杜左司嘗與諸公和之成巨軸然皆不及一見僕則不敢言和但對景乘興謹用其韻爾僭越之罪觀者恕之

花飛六出亂無葉泠然臺上偏宜雪茫茫大地迴無塵渺渺予懷正奇絕山容喜從天際改竹聲時聽池邊折

相知更有灞陵翁長途不令人蹤滅平原饑免巧踰藏空闊蒼鷹飽飛掣小兒忍冷從吾觀楚楚毳裘采纈坡詩誦得聚星堂字字珠璣飛玉屑懷賢撫景慷慨生歲月堪憐去如瞥豐年但願太史書故事須從汝南說歸來舉似宋廣平却笑梅花心似鐵時梅皆凍損

可翁和

松花仙釀香浮葉卯君醉詠冷然雪停杯撫景誦其詩韻與天花兩高絕移床坐對西湖仙撚吟不覺冰須折恍疑身在瀛海中得句驚寒塵全滅懷賢未免失自量韞線長鯨溟渤掣天孫綉爛雲錦裳小點難儕江表纈

呼童掃付石鼎融調我療饑雲母屑憑高凝睇縱遐觀
正爾龍公自飄瞥當時後學俱云亡左司巨軸知何說
效顰自笑亦續貂始信心腸非石鐵

楨和

朔風捲地飛雲葉山川一夕埋深雪冷然臺上望眼迷
大地茫茫正愁絕西崦深藏茅屋低高崖寒壓松枝折
雲間日脚漏光垂沙尾山腰互明滅簑笠漁翁獨釣歸
村館青旗風颭掣一段清奇畫不成衰顏得酒紅如纈
書窻忍凍拾枯薪庭除泥濘陳木屑樹杪饑鴉晚羣噪
平田脫免時一瞥豐年有兆喜欲顛模寫成詩費滕說

呼童沽酒當一醉巨筆如椽鋒似鐵

馬熙

圭塘補和并序

款乃既歌之明年熙如京師可行泊楨日侍安陽公觴
詠圭塘更唱迭和之語詞凡二百四十有九又明年楨
來京師熙始得伏讀全集大篇雲行短章泉流無非樂
日用之常而憂國憂民之實亦未嘗不默寓其間也楨
聞詩趨庭日有新益而熙乃以抗塵走俗不得與於斯
文愧可勝言耶然可行序引有張本同聲之說固欲援
之入社今雖未至未必峻拒之也於是忘其蕪陋勉強

補和得詩七十八詞八錄次左方惟二先生進而教之

可行圭塘雜詠廿四首

作樂導水

水生天一本微陽樂以充陽落此塘伐鼓三聲泉破甕
和鈴萬舌發央央

攜妓落成

省事山翁許鶴隨燕鶯奔命為誰疲情知欸乃多幽事
不付樵青付雪兒

柳下聞鶯

出谷遷鶯早致身友生求舊復求新不因萬樹黃金縷

肯向園亭漏洩春

舟中對鷺

篷羽曾聞雜袞裳圭塘今見雪凝妝詩家物色無逾爾
身與虛舟已兩忘

荷觴酌酒

輕柔圓淺勝琉璃珍重山人有當扈若刺玉簪成象鼻
翠瀉雖滿不淋漓

蕉葉題詩

少公飲量過三蕉詩思如抽岱嶽毫百摺翠雲題欲徧
獨留心葉待秋高

荷淨納涼

凌波萬綠可吾牀
水國風來體亦香
焚製裂衣殊未暇
從教鄉原笑涼涼

開窗看雨

洞房編葯屋編荷
八面玲瓏得月多
誰遣天瓢爾雲過
嫩涼扶我入無何

松陰獨釣

露髮雲花落繡茵
一竿聊復坐忘真
大夫亦記當年事
風雨中宵念頽濱

與客泛舟

叩友相須欲鼓橈
那堪舟子亦招招
喚回千載江湖夢
雲際參差起鳳簫

日夕觀山

龕牖儀刑盡翠巘
自移一榻對晴嵐
山中雲出乾坤雨
恐有賢書到水南

西隄晚眺

偶然隨柳涉飛橋
淡本無心與泊遭
落日蒼烟橫白鳥
西山秋色兩相高

雨中移竹

移花嘗築避風臺
移竹應難就日栽
此日相邀愧泥濘

明朝冒雨試重來

月下觀梅

雪後西園路踏沙
一枝曾挂酒壺斜
只今午夜扶疎影
卻屬山中道士家

倚檻觀魚

洋洋圍圍校人知
慚愧公孫獨受欺
老子臨淵非美汝
謂余不信質諸詩

遶隄種菊

芳叢種與老仙看
春葉秋花不用餐
但使幽香入池水
年年初度酌甘寒

竹間開徑

龍孫戢戢亂穿苔
道古端由翦伐開
不向此中常徑造
款門無處可裴回

水口聽琴

琴忘流水水忘琴
琴水俱忘是我心
甚欲囊琴室流水
柳陰趺坐聽希音

獨坐投壺

競物無心每負壺
壺能負我亦堪娛
偶然中耳成驍箭
絕似檀溪躍的盧

登臺縱目

藝海珠璣

圭塘欵乃集

卷

疇隴從衡草樹低
西山東郭共冥迷
若論攬盡源頭水
合姓洹溪作許溪

調白蓮始花

水鄉紅紫盡輿臺
獨爾懷冰犯日開
羣玉有詩無乃戲
卷雲須辨雪千堆

調木芙蓉不花

欲撰騷鄉木末蓮
繞池分種待秋妍
都緣錯把東風怨
花似寒灰不復然

調湖石

奇章三品藐巍巍
良嶽將軍視賜緋
何似野棲娛退傅

苔爲冠履草爲衣

聽箏

春纖無力發絃輕
助以半天風雨聲
詩客凌雲渾未覺
六經心醉有餘醒

可翁酒間口號

塘肖圭乎圭肖塘
幾人勇退水雲鄉
韓優白劣都休較
凜凜清風不可忘

楨待飲圭塘

相下耆英繼洛陽
詩如趙璧責秦償
二難獨擅文章氣
一字不隨時世妝
洗雨菱荷方出色
充庭芝樹亦生香

黃塵烏帽子多愧不共尊前此夕涼

可翁太常引四首

園池多在魏公時盛極自然稀天遣可翁回要扶起臺
傾榭欹圭塘如此藕花無數一笑領翁詩帝里不須
期怕鞦韆似三司面皮
園中風物水中亭消得兩娉婷濁酒卷荷傾早洗盡箏
聲笛聲四隄晴柳一天花氣付與晚山青飛絮挾雲
輕任膝上瑤琴自橫
穉紅酣日照修筠光景一時新萬扇卻游塵看出浴溫
泉太真榜中龍虎班頭鷓鴣鷺無復困冠巾花亦識天

民間身到黃扉幾人

露桃雲杏不勝穠合讓水花紅別種出林東爲冰雪相
看改容
涇堂雙瓮此時千葉愁絕悶珠宮貯酒待吟
翁念疇昔時來一中

可翁圭塘獨坐四首

投老歸歟屢有年西南況復罷籌邊且容獨樂著司馬
何必五湖追計然激濁揚清勤潔井任輕求重懶芸田
悠悠此際誰能會唱入漁家傲四篇
近日征商法不塵謀生徑欲買村烟有泉得酒亦種秫
無錦可裳仍集蓮和露任誇桃李鬧因風不禁柳花顛

漫郎心事歌能寫樂句從知在此舫

園池多勝事有閒即逍遙祛暑衣裳葛揮塵扇卻蕉波
光搖屋角樹影轉廊腰何事西窗外青山不受招
水關鄰亭小隄回覺路長烟霞鄰道院花木勝禪房漢
狗烹韓信秦雞脫孟嘗客來如語此未免宛吾塘

可翁謾書

紫闥三年夢圭塘萬古心卓亭仍就日寒向欲排陰世
路茫茫闊天機袞袞深倡酬詩百卷誰遣到雞林

可翁有舟

勿謂吾舟小輕於太一蓮能容茶煮竈更載酒如川有

分投閒散無心咎蹇連若教仍濟險須問水中天

可翁大雨兩晝夜僮報墻仆而竹茂

床床屋漏苦無乾一夜周垣被水漫生意盡歸叢竹茂
泚園須待日三竿

可翁雨後觀竹有煙墊摧折者

雨前栽爾地猶乾急雨排牆爾遽漫愧爾蒼黃類夷甫
未能忍死待雞竿

可翁新秋卽事

秋聲無適莫一夜入松關不待歌商頌先期賦小山閒
情馮綠綺機事失黃間望斷雲林鶴馳書久未還

可翁秋陰

螢飛猶惡濕鵲噪未聞乾栽竹心逾遠澆桃興已闌有坊鄰履道無路達長安欲和陽春曲詞華愧二難

可翁漁家傲四首

香霧空濛烟縹緲青歸林木先從杪若采芳洲蘩采沼花事悄幽情聊復忘魚鳥鳥倦知還亭月老魚安淺碧吹斜照魚若有言求直釣秦吉了也應能唱漁家傲八十鄰翁頭似葆為言環翠埋芳草不似圭塘風物開清晝好來游往往逢郊鳥細浪粼粼風嫋嫋柳絲柔直荷錢小鳧短鶴長無用較舟可擢扣船重和漁家傲

涼入槐陰門巷杳秋容次第歸蘋蓼潦盡波寒亭影倒征鴻早一聲喚起江天曉菊外白衣殊未到沙隄留得西山眺何事木蓮花獨少詩與調倚風仍度漁家傲池上水枯垠岸峭池邊雪霽無行道三島遙遙心欲造舟子請挈舟恐受堅冰笑遵渚一鴻方矯矯告饑雙鶴從形槁吾亦安能充爾操惟善寶歲寒歌徹漁家傲可行瑞蓮歌

休官林下堂名洹觀魚今又歸鄉賢軒前未暇植他物清漪萬頃花開蓮凌波仙子吟袖濕御風毛女雲鬢鬆就中一朵特獻瑞蕊歧蒂並房仍連里人傳繪筆幾禿

郡官趨慶門應闔三陳秉軸昔接踵二宋射策嘗同年
當時豈無草木祥水花未必曾司權平輿施報未食
相臺雙桂宜光前歲寒勁節各挺挺傳家經笥均便便
伯兮勲業在廟社用藏功斂安受壓季才本足棟梁具
胡不領袖椽與椽登庸便合踵舊跡天公有語令花傳
洄堂嘉貺又繼出慶源袞袞逾淵泉階庭連理見玉樹
合驩不但瓜綿綿嗟予病減詩復病探囊試藥猶未痊
誦公新句弗克和飽觀紅日酣平川

可行對景書懷

池上墮篔協四通毋勞鍾木互撞攻詩生流水行雲外

人在光風霽月中路到迂時因避竹垣從坳處更培松
世間何地無魚飯此日委蛇勝自公

可行睡起偶成

園池擇勝似江鄉蕉鹿何妨爾汝忘不是扣舷歌欸乃
更從仙枕覓山房

雲入茶甌自在行風生竹牖更多情石渠近日添新雨
膝上橫琴聽水聲

可行即事

載書逾十乘儲醬乏千鉅竹影明窺戶荷香暗度窻對
山方日擊見客又心降落日層臺表蒼烟白鳥雙

可行雨後督修堰歸坐嘉蓮亭

謝政從翁懶持家有弟勤鑿池通活水築島駐行雲柳
外渠穿石荷邊路迫瀆亭臺全尚象花竹間成文月碧
秋仍草屋虛氣未殷霖淫寧有節洛洞遂無垠畫舫齋
居士黃樓賦卯君水平池見岸雨歇日窮曛竹莖芽新
濯魚飛尾舊焚計庸書載具犒役酒仍醺境順多逢坎
時艱好策勲一勞知永逸萬事付無聞折簡常招客裁
詩足張軍樹容黃鳥並屋讓白雲分人樂宜居獨天謀
欲換羣明朝又興作菊徑荷鋤芸

可行鄉友具宴

石溜穿渠澹澹鳴眼中幽事總關情故人載酒不盡醉
好鳥隔花空有聲但使軒扉常款客不妨松菊屢尋盟
西風瘦馬長安路說與山靈笑絕纓

可行侍兄赴圭塘

年來夢斷鳳池坊雲影天光有此塘夜飲不辭歸路遠
晨興更覺攬衣忙桑麻莽蒼接平野機杼咿啞聞隔牆
忽有好詩生馬上眼明雙檜拂雲長

可行宴罷泛舟三十韻

仙舟夫何如快逸且奔放蒲帆濯沆瀣桂棹却氛埃西
塞辭玄真甫里謝魯望秋雲與飛揚春波恣摩盪濟人

功已僉橫渡職非曠願陪山翁游况值新雨漲荷收知
渚闊花虛見雲傍鄉間速佳賓渤海致名釀影搖雙檜
舞聲發半天唱柳鶯續紆餘松鶴助翹翹滔滔劇川吸
湛湛豁陂量光迎東月皎氣挹西顛礪聯句交彌明請
序接文暢吾將出方外彼亦可舟上空虛名共逃俯仰
物無長猶存一釣竿欲破萬里浪霆轟彭蠡澤風擊黃
天蕩又虞險難乘或致身弗克不如謝蒙衝聊復娛此
舳旅酬賓主席各逮子姪行全交忠罔竭尋盟信可杖
使乎杯勺免翁以雞黍餉神龍豈容豢天驥俄脫鞅醒
醉既兩忘寵辱亦俱喪茫茫跡大禹表表州古相休逸

猶可追觀魚已堪悵更長暮無烏月黑草有恙孤蓬憩
雙槩一夢絕諸妄明當泝滄浪高歌航漢漾仍究圭塘
源乘槎洹水訪

可行偕故人陪兄泛舟

紅衣落盡渚蓮收容得虛舟日夜浮二客從予非漫與
一尊邀子助清游偶然憩息來三嶼從此翱翔到十洲
欲賦櫂歌成慷慨淡雲疎雨不勝秋

可行登泠然臺觀山

林慮山本奇臺上觀更好宛如武庫開事此軍實討干
矛插層空萬戟立荒草弓戈紛委地盾劍光夾道端能

愁城攻亦可詩陣掃佳人澹相對綸巾照雲縞緬懷湘
水湄衡嶽配朱鳥惜無冷然風筆祝融小

可行記塘上草木廿四首

亭前雙檜立枝曲能自矯譬如直諫臣抗論犯天表氣
含芝朮春節礪冰雪曉丹井有餘波挹彼注茲沼
歲寒撫青松觀此物情萃不有蛟龍形孰當風雲會寧
隨陶徑菊日以荒自慨不願汗秦封爲作擎雨蓋
移家傍洄溪辛苦嘗爲竹植之永爲好寸土如寸玉逝
從簣營偃化作渭川綠中有鳳笛材清音勝絲肉
昔年探梅花攜酒過水南今茲對池上嗅香當清甘楚

騷雖見遺吾林亦何慚但恐和龜晚頃筐實餘三
柏壽以世計當與泰初鄰銅柯既盤盤黛葉仍囹圄雄
姿挾龍虎奇文間纖鱗歲晚同節操甚知丈人真
河濟富千樹性本樂卑濕釣磯有餘地借爾油幢碧繁
霜剝其陰忽若尊舉羣致身安樂窩猶能大觀奕
杏園千樹春年年送仙槎如遇黃扉人飛雪漫隄沙移
根文茲土開晚慎勿嗟但願世其文常觀曲江花
有木枝葉繁葳蕤蔽前榮作止每因風離合非其情名
器不可假爾一就纓爲爾解纒忿示我亦周行
若榴屯於春入夏氣乃穿花能醒醉眼實可清臆眩點

紅亦何心要與濃綠細但爲宜男房煌煌照庭院
黃葵本高潔值此湛露晞我戡切雲冠飄飄六銖衣中
色足自媚吾將田園歸佳人殊未來忘言對斜暉
遙斜章甫冠贈玉簪我髻終當衣製荷未可恨空蕙葉
荊如搔頭配爾香細細胡不來中州而乃宅八桂
甘蕉本靈苗勵根出崇阿狂僧萬猶少道士一已多中
宵聽風雨詩富如葉何茫茫夢中鹿倚窗聊寤歌
秋花蠹雞憤縷武凡幾就感錦豈欲鳴碎丹或能鬪新
詩繼歐梅已受賈人購譽予乏雄辭雌伏愧屋漏
吳興蕪白苧欲以清白樹此種備五色充庭當家具葉

披錦雲亂實繁玄珠富霜隕不足惜明年有春露
銜子定黃鵠孰謂來海上紫綿飛莫簾纈暈點春帳照
妝待銀燭追香負筇杖明當走昌州爾勿斷予鞅
春風何許來孕此黃玉胎蜜脾不自斂磬口何由開以
貌可梅僕論香亦花魁風味極不淺吾當舉深杯
天公琢瓊瑤一夜綴萌蘖遂令東園雪不受薄寒過淡
妝何用洗落英猶可掇安得釘坐人相與浣塵渴
主婦治北堂所植惟貴護抗葉驚四垂擢英喜孤鸞嵒
合叙其功無乃成卮言當持忘憂訓問我叔重孫
何彼穠穠花浩歌園有桃陽和不擇地人力寧施勞舊

夢海珠塵
植各天涯或又玄都遭惟爾足佳實羞之醜溪毛
園林澹泊春有此冰雪堆赤日照未好月夜須重來遊
將濯其根致之洗與鬪顏色勿燥燥恐爲梨所哈
秋容爲誰妍白衣來何莫不惜尊中酒恐負籬下履霜
風掃頰紫星月照黃素采采晚節香美人意方注
花高枝滿蝶實老田有禽風日不貸春吾囊已無金誰
將不譌豕致爾來爲林不有石軍帽疇能沃吾心
嘗徵廣陵花腰金本無種其當異人出嘉瑞不可壅西
園有分根新雨荷天寵願披家慶圖鴈爲吟伯捧
知花在根撥培養異弛張煤暖實叢棘穴蠹簪硫黃圭

人本無心聊復雲影塘端誦康節語輔車有餘香

可行松竹皆黃

淫雨爲災及穉松黃萎又見竹身叢徒能醫俗不自療
謂可引年寧有功外直尚持君子節後凋終繼烈臣風
人將大任多窮困其孰知之惟太空

楨圭塘草木續詠六首

面槐餘十年老眼冷復青萌蘖迸春雨一一碩且庭平
生邁種德不但保彥卿我將茹其花高誦休哉銘
國禮嚴公桑葢以勤率下采采爲蠶供衣被溥夷夏何
年樹獨樂花竹共秀野當令有餘帛足辦里中社

惟木首五行實醜四端仁椿又木之首配時爲孟春春
當歲八千此語聞蒙人仁者必有壽老境願卜鄰
仙家榆尚白歷歷種天上此地斂其青豪末起十丈蕪
夷抱美材胡爲食弗尚戢戢風雨栽生意尤浩蕩
杖屨迷柳邊無乃似歸院不如掉孤舟沿隄纜其線朝
絮粘露蜂夕條棲雨燕與物同至和天恩殊曼羨
鑿池得枯荷斂迹不記年一朝出淤泥亭亭水宮仙遙
憐構巢龜欲問歲幾千便當從太一暫借紅葉舩
相爲中原各郡自昔多達官貴人之居宋廬陵歐陽子
爲丞相韓魏公作畫錦堂記人到於今稱之由魏公而

下雖懷黃也組世不乏人求官簿問望政事文章一切
烜赫於時功成身退又能歸享太平之樂者則亦寥寥
如也御史中丞安陽許公以經術起身致位尊顯卓爲
一代名臣晚歸相城視聽不衰闢園作室引流種樹日
置酒賦詩爲娛樂清風雅致照映後先歐陽記所謂少
擢高科仕宦至將相富貴歸故鄉築堂營圃作詩以遺
相人一一皆似爲公言者始知魏公之後繼其美者未
必無其人也然則圭塘畫錦之名當相爲不朽於相矣
若夫公製作之妙天下人人知所矜式舊矣是集又若
老將用兵百戰百勝而從橫變合無不如意顧區區者

何足以窺其營壘也哉學生沐段天祐再拜跋
安陽公以道德文章名重一世及功成身退相羊雲水
之間與松竹居魚鳥游暨其弟若子更唱迭和金石相
宣若身在六合之外遑乎不與世接其賢過於人遠矣
哉公於溥爲父執都司君長溥年事之若兄國子楨少
溥年接之若弟往者嘗拜公於堂侍都司君於客次揖
國子楨於大門之外未嘗不僂偃側辟俛而服仰而歎
也圭塘康氏之廢園也當其廢時過者不視牛羊萃焉
庸詎知今日之遇乎鑿之雉之築之樹之挈子弟而招
嘉賓圭塘遇矣庸詎知後世之傳乎非公則圭塘不遇

圭塘之傳則有賴於欵乃也與至正庚寅孟冬望後二
日晚進龍門周溥頓首再拜謹跋

唐國子司業楊侯以年滿七十白丞相去歸其鄉朝之
公卿士庶共稱其賢昌黎韓子有文以傳於世世以爲
美談御史中丞相臺許公以年老亦白大夫而去當太
行之麓洹溪之濱得地數十畝築亭鑿池深廣有度樹
以松竹杞梓種以菱芡夫渠水綠掩映雖極人力每雲
收雨止層巒獻翠活水分清儼若天鍾其秀公率子弟
或舟楫或杖屨蕩鷗乎清流徙倚乎亭之左右更相唱
和殆無虛日有欵乃一集鳴於時不知楊侯之去有是

樂否今世士大夫宦游中外老歸於鄉者有之矣得山川之勝而燕游者有之矣弟若子俱能文辭者則鮮也公以明經擢上第致位廊廟佐天子出政令幾三十年膏澤被於民物者固多諸福之美萃於一門天之施于公也實厚相之人凡出處去就一以鄉先生爲法是集之鳴也益著衆所謂賢者又不得專美於昔矣至正辛卯冬至前五日諸生哈刺台再拜 山川景物因人而勝因文章而傳人品既高文足範後山川景物之得所托而傳於久遠也可必矣中執法安陽公歸鄉里作圭塘位置之巧泉石之勝松竹荷柳之繁亭臺橋舫之具

西山如畫公於良辰美景挈子弟招賓朋觴詠其中宛然香山池上也觀物賦詩殆無虛日積久成巨集圭塘之勝遂聞四方製作之精人願矜式不然則圭塘雖美孰能盡知至正庚寅夏文昇過相州獲拜公於里第陪杖屨一游來京師日奔走思昔陪侍恍若夢寐癸巳莫春至鯨川訪尚書積素成先生避后洹濱御史於餘清軒中適二公對方冊談論矚洽文昇從傍竊觀則圭塘唱和集也思得挂名集末豈不榮幸遂領歸旅邸而手抄之不自愧其字畫之荒惡也謹以歸於洹濱爲後游張本云孟夏天台丁文昇拜書 衛之詩有咏歌夫碩

人之寬而著於國風者考槃是也有以父子兄弟一家而皆善於詩者三曹是也然而考槃之樂美矣徒託諸他人之詩而見三曹之詩多矣而其私情中紛嫌隙相逼不能以盡夫忠厚和平之樂是皆得於天者或不足人有其文者或不足於實於是而知中丞公兄弟子姪圭塘唱和之章從容怡愉之思蓋古今所僅見者也中丞公世家相州相州衛地而三曹之舊都也中丞公與其弟都事君皆以蚤擢高科仕宦中外未嘗少休于家所謂園林池榭之勝優游野服之樂徒形諸懷想而寄諸渺茫一旦兄弟同得以遂其情焉則其同氣相親同

德相與發諸歌詩詞韻之間自將宮商相宣金石相和
大篇短咏交唱迭和有不能已矣然則衛地之詩此非
尤備尤善于前人乎雖然發言爲詩聲之和也兄弟旣
翕家之和也以和兆和將見如歐陽公所謂園間之草
木有駢枝而連理禽鳥之翔集者不爭巢而棲不擇子
而哺豈特可稱於高陽許氏之東園哉臨川黃誥敬書
細讀圭塘唱和詩流風餘韻想當時東山絲竹閒方
得北海樽罍老更宜亂後池臺渾索寞夢中松竹亦參
差櫻輿不晚歸粉社願校園丁築舊基至正甲辰諸生
襄邑趙恒書於大都南城之寓館 昔宋張文定公齊

賢舉進士仕太宗朝不十年拜相致政歸洛陽得裴度
午橋莊鑿渠通流栽花植竹日與故舊乘小輿攜觴游
釣嘗賦詩曰午橋今得晉公廬水竹烟花興有餘師亮
白頭心已足四登五府九尚書今觀御史中丞安陽許
公謝事歸以賜金得康氏廢園於相城之西剝闢朽壤
翦焚榛蕪涼臺燠館古木詭石間廁隱顯復鑿池如桓
圭形號曰圭塘公野服蕭散樂樓輿時與畸人靜者偕
其弟若子觴詠其間攄幽發粹更倡迭和金石鏘鳴累
巨帙題曰圭塘欵乃公之弟可行時爲南行臺監察御
史與公皆以名進士顯宦中朝清節雅望輝映後先子

楨復以門功起太祝供奉玉堂其懸車之樂視文定公
宜不多讓而風流文采萃於一門蓋有文定公所不能
及者謹拜手題卷末識歎慕之私云諸生鎮陽張守正
右中執法安陽許公欵乃集一帙觀其所載園池之
勝游賞之樂無非所以形容太平之風致至於更唱迭
和金石相奏而律呂相宣乃與其弟太常君洎子楨供
奉出於一門昆季之賢并羣從之才俊有非他人之所
與明時國家人才之衆多教化之隆洽因是而可以槩
觀焉金臺王翰謹跋 中書左丞安陽許公洎弟太常
文章政事名滿天下每嘗想慕風采至正甲辰愚叨掌

故得親太常公一日出示圭塘唱和詩集迺左丞致政
太常以南臺御史還家兄弟暇日讌集圭塘亭榭時所
作也一唱一和珠玉輝映奉讀之餘則賢人君子棣華
之樂可想也遂成俚語一章用贊萬一云宰相歸來致
政時圭塘唱和類填箎好山好水天開畫難弟難兄日
賦詩酒尊每從花塢設釣舟時傍柳陰移景因人勝千
年暇綠野香山未足奇山東陸煥然拜 至正癸卯余
奉使嶺南丙午自瓊儋回屆相時太常禮儀院使許公
可行奉旨來尹相省故園之樂也余亦忝列兵曹得陪
許公於斯一日得閱公曩侍兄集賢大學士可用公泊

姪元榦廣倡圭塘集嗟夫人家孰不願一門父子兄弟
忠孝之全憇學之備榮宦之隆哉造物有所慳吝亦人
積善未周弗昭于時矣若斯數者許門之樂全矣嗚呼
公今之來松楸恪恭田園得意復繕圭塘修榮叢桂對
西山而酬興臨清流而賦詩相知棲鳥適趨芳徑策杖
從容且歌且樂軋圭塘之舊發潛德起幽光遂平生之
高志樂好景黃花若韓魏公胡子山王西溪各賢不獨
專美於往而許公一門躡高風於後誠不多讓矣若夫
麟閣勛名玉堂舊業公無夢矣余何人哉得密邇於圭
塘耕耘也耶浚儀王國寶拜

藝海珠塵
右倡和集一帙江湖友人躬錄而裝潢者二十八年
矣南歸展讀中雖無恙而外皆破碎可憐况兵後所
存唯此本爾乃力疾補葺遺我子孫永收翫上章涪
灘歲夏四月初吉洹濱識

藝海珠塵

集部總集類

南滙 吳省蘭 泉之輯

華亭 張興鏞 金冶校

刻燭集

曹仁虎纂 簡里已見

目錄

覺生寺大鐘聯句 憶竹聯句 憶桂聯句 食蟹
聯句 永樂菴訪菊聯句 蒲萄聯句 嘉靖宮扇
聯句 鬪鶴鶉聯句 九月十三日集陶然亭作展
重陽會卽送董東亭歸海鹽聯句 同人集綠卿書

屋賦得京師食品聯句十首

玉田米

豐潤漚酒

昌平粟 遵化縣梨

寶坻銀魚

密雲棗本香

固安黃鼠 安肅菜

采育里山藥

新居聯句 種車聯句

冰牀聯句

十二月十日

集楷素軒觀盆中芍藥聯句

祀竈聯句

閨花朝

小集聯句

杏酪聯句

集程魚門拜書亭觀藏墨

覺生寺大鐘聯句

華鐘鎮祇園

曹仁虎

廓然容萬斛 佞佛成阻營

王昶

役徒少

師督激電移歲時

趙文哲

傳燈閱涼燠 探勝憶遠懷

吳省欽

趁閒討遺躅 車遲曾城阿

嚴長明

寺聳大道曲 豐碑蛟螭

蟠

沈初 魏座龍象蹴周遭 庖廚

陸錫熊

錯立枯松榭 駁薛

鋪城堦

仁虎

倒茄麗櫺枳 威神屏方良

初

惟諱圖 忽儻流

鈴夏郎當

文哲

法鼓震塗毒 繡繪內家旛

省欽

琳笈中禁軸

幽響飄迎陵

長明

妙香散篤禪 眈眈廣院呀

初

屹屹岑樓

蠹齋柱擎坤

錫熊

雁堂仿乾竺 風櫺亞差參

仁虎

露供盤

歷碌上桃腰 彎環

初

緣壁脚 不于蟻穿窬

文哲

以深

往而復 趨趨筍虛橫

省欽

帖帖蒲牢伏 其圍四尋餘

長明

厥

徑三仞足重八千衡

初

高十六尺 縮積石儲廩

錫熊

困

量袂越方幅 頂同孟體圓

仁虎

身作鏡光 濕辨名殊重

文哲

層

取象類大腹 排藥饗餐蹲

文哲

介篆虹蜺束 昂俄夔首

撐省瑣碎虬紋簇哆張陋金鬚明長雄時吮稟鬻有銑兼

有鈺初非罇亦非罇中懸廬肖穹錫下覆室成覆熊熊

景常歛虎黝黝色轉沃烟熅湧帝青昶繚繞暈官綠含

霜九芒寒哲炫日五采昱鋒棱沙畫錐省縵理錦交縟

重為遠匪行明長共作迴環讀華嚴繙寶函初般若譯珠

積品經貝葉傳熊錫真偈蓮花續體變盧佉文虎語想釋

伽囑蠡紐危自垂昶鯨桴怒相觸雷音走隆隆哲颺韻

汜謾謾應大昭小鳴省中左羽右籙豈立號立橫明長乃

滿阮滿谷曰動氣必宣初維空聲斯蓄警宵分雞籌錫

報午間魚粥旅魂感惘惶仁山鬼拜踈跼大地咸震醒熊

昶諸天正清穆聲聞豁塵襟女喟息瘖故噴主鬯藐辱

孫省操戈恣悍叔時方息龍爭明長事忽符燕啄腹心寄

齊黃初羽翼翦代蜀葛藟忘庇根錫椒聊使盈菊啟疆

假以權虎睨器求所欲連營諸將曉昶入幕一翁禿識

誇瓦墮空哲計詭壁藏複飛颺精脫鷹省跳突原走鹿

歌風北方强明長占絲南國感臨江勢已成初割地議空

瀆郭門喧征聲熊錫陵闕閃戰纛宮中傳披緇仁殿上儼

受錄周公輔誰欺昶和尚誤難贖紀年付革除哲鉤黨

窮訊鞫著緋衷刃趨省欽要經投筆哭踟呼寃哉烹明長狼

藉弱之肉株連榜姓名初羅織籍家族雨仗修羅宮錫

雪鋸波吒獄孰白重泉窓虎仁莫逃一字惡魯弓假不歸

初周鼎遷重卜鑄鐵悔六州文哲貢金來九牧象功愧和

平省欽懺禍懲殺戮大慈見應嗔明長宏願持較篤濁劫經

刀兵初道場會水陸咨考工庀材熊錫命將作勅屬銅調

牝牡初火扇文武熔制器倕工能初揮毫學士獨一

磔復一波文哲三薰更三沐幅整資臨摹省坏圓試鏤鑿

搏泥外渾淪明長化蠟中滲漉封治長庚監初開鑪太乙

矚瀉液凝碧烟熊錫騰輝爍朱旭咒鱗降蜿蜒虎仁封衅繫

穀鯨審音析毫釐初中度辨黍粟雄梁高引繩文哲飛架

圓轉輓大衆謹讚揚省羣靈駭馳逐漫將毅魄招明長直

使陰魔服解脫驅三灾初祈求沃百福真諦參每煩熊錫

善根種非宿是為有漏因虎仁詎稱無量祝縱依淨土安

初終俾吉金辱疚心積孽多文哲彈指流光促沈埋痛瓜

蔓省欽倉亭報榆木十朝舊物貽明長萬壽崇基築明代是

大內後漢經廠萬歷五年建萬壽寺於西直門外賜

出從紫闈初移來近蒼麓聽周釋界千熊錫撞選僧彌六

喧寂任禪緣虎仁廢興易世局鴛舍藏至今初虎分禁自

夙天啟中有言寺在帝里白虎分不宜地隨毫社遷文哲

世闕秦灰速啞棄堆泥沙省僵眠蔽樸檄剗苔過客摩

明長擲礫游童扑代已變滄桑初物仍寄輦轂流傳四丁

訛燕邸紀聞云是鐘鑄造及徙置萬壽寺年月口時皆四丁未今考永樂朝無丁未年蓋注氏之訛也 熊阿護六甲肅

景運逢轉輪仁昌時協調燭提唱通人天昶秉持徹道

俗闢法開化城哲棲真傍靈囿挽以千馬車省貯之萬

鱗屋奏殊辟雍長陳擬房序玉

帝臨星罕移初

聖作奎章燭正覺發顯蒙錫多生遂熙育仁水源功德

滋和雲氣吉祥郁文毋愴憑弔情省且暢登臨目長新

詩如叩筵初用補春明錄熊

憶竹聯句

薊植非無種吳省成林願未諧程晉款門何所造曹仁

開徑有餘懷嚴長舊宅棲雲外陸錫閑園抱水涯沈初亂

抽簪一束趙文寒削玉千排省露重枝妨帽芳晉泥鬆筍

避鞞仁相看渾不厭長小住且為佳錫瓊碎吟徒好初

平安訊轉乖文前盟青士阻省別思綠卿皆芳晉瑟瑟招

涼榻仁騷騷聽雨階長榭塵凝弗掃熊錫庭月冷空筵初

曲援兼荒槿哲單扉久閉柴省披襟聊此地芳晉把臂尚

吾儕仁素節知難改長深緣信必偕熊錫襪材煩畫手初

留影在高齋哲

憶桂聯句

問訊南州桂

趙文

丹叢取次熏

沈初

氣乘秋正滿

陸錫

陰

與月平分

嚴長

直榦陵松蓋

曹仁

盤根駁薛紋

程晉

冷

含虛院露

吳省

高卧小山雲

哲文

影識前身現

初

香參逆

鼻聞

錫

有華寧不實

明長

無隱欲何云

虎仁

偃蹇懷芳

淹留愧俗氛

省

植根遷未易

哲文

攀樹望徒勤

初

偶爾陳

盆盎

錫

猶然阻屐裙

明長

畫欄空細雨

虎仁

荒圃幾斜曛

歲晏誰華予

省

人閑最憶君

哲文

蒼蒼留古貌

初

落落吐

奇芬

錫

好服真仙訣

明長

憑招隱士羣

虎仁

故林眇天末

惆悵倚微醺

省

食蟹聯句

如林爾末能

蘇門可也

水錯饒羹材

程晉

廚珍試饌法

堆盤解象占

趙文

就座

旅情洽販集

丁沽腥

阮蔡

買問亥市

隔飽露腹中

映

董

迎霜骨外砭

交銀戟撐

欽

螯舉玉鈎

夾凸如背負

筐

曹仁

森若貫貫

鉶急縛氣尚雄

陸錫

橫行徑已狹

濡

濡沫互噴

芳

宛宛日交

既飼宜土膏肥

哲文

漉用并華

族徙葦籃

傾

命併糠火

燂泣釜鼎娥憐

潮

登筵觥使

扱薑芽小紅

攢

橙纒新綠

拍酸醯

勺

剉

分呷笑爾中

腸無

錫

供吾左手

法猛夫詫突晴

芳

公子

嗤駢脅尖團

臍共覘

哲文

磊落殼先

協褪

衰雪膚鬆

披

鈿金鑿飲千齡

珀凝脂

海

六州鐵鑄

甲纍纍

足

義

藝海珠塵

刻圖集

薄薄蠟房映瑩白瓊液滋虎仁積黃玳膏滷肌充美自含

錫熊腦滿香齊嚼批卻爪梳爬芳晉觸芒齒咋齧攪疑戰拇

哲文鬣擬甘唇狎渠魁咸拔尤生葵么磨亦承乏隨浮霑

襟裾潮支解謝箸筴細咀耐更番欽省大嚼誚半霎積骸

高峻嶒虎仁餘肪膩淩渠賤桃花楚蠟錫陋藻苗越蚴倦

僕涎欲流芳晉饕朋口猶吐菽乳滌惺忪哲文菊鈴搓鞞鞞

清盥陳綌巾生葵雅譚捉蒲篦候乘夜月虧潮興逐秋風

颺醉容何嗟嗟欽省鄉語競評評荻漲遠踰淮虎仁菹波清

到雪笈簪迎溜懸錫籬箔板泥插江空八月寒芳晉港暝

一燈舂橘洲煙溟濛哲文菱渡水溶澱郭索依牛泮生葵浩

綠上魚罨奔明集渚汀潮負固藏厓厓鉗蘆走蹒跚欽省

執穗行趁越智輸蚪泉穿虎仁形寄鯁穴厓乘潮或歸溟

錫熊過雨爭聚牖營騰來徐徐芳晉葉船去泛泛盪撈帶草

蝦哲蟻動驚花鴨種堪按譜搜生葵味待加餐噍瑣碎鸚

莆纖潮輪困虎斑庸長卿文獨豪欽省彭越力寧怯紛紛

遭拘擒虎仁帖帖被檢柙枚非一千須錫輩喜十六恰趁

墟沙尾喧芳晉論價擔頭壓詩換蘇何饒哲文酒浮畢所押

送似走白衣生葵招邀脫烏恰生拆宜鹽投潮熟蒸忌湯

煤榼釘蔗霜黏欽省翳裝椒雨腌封糟窳墻陰虎仁和醬暴

簷取真應常侍除錫幸少監州儻烹異蔡公訛芳晉議思

鍾子誦偶參琴心圓哲文每悟茶眼貽歸夢懸筆篋生蔡客
懷滯筮笈舊蹟印鴻泥潮流光熟羊腩蓼塘畫展屏省
笠澤書緡匣給鮮徵食單虎忍俊妨淨業少坐俟吟安
錫星芒動簾押芳

永樂菴訪菊聯句

薄旅淹蕭晨曹仁刺促萬人海冷朋逢合并程晉初地
得幽塏龕古剝霞斑阮蔡殿深隱煙彩綠枯砌草腓趙
昔黃隕牆槐窳蔬坪闕爾開吳自菰戶閉然闔關心素
節徂董入眼芳蕤在院虛散低鼓陸錫籬短舒細蕾品
題分苦甘吳省培蒔別勤怠圍繩界過遭文抱甕澆潔

淩頭苗出土鬆生蔡脚葉防泥浼瓦圓束莓苔芳鉏剝刪
翟薩竹箭扶亭亭虎仁牙牌記磊磊遮箔初晴纔蘭省剪蓑
未雨迨花當跳寒蛩錫莖了捉伏蛸鈴看个个勻潮臺
想層層纍檀熏羅疊紋省茜染綬垂綵塗脂暈融融芳
捻雪堆確確蒂搖鶴騫翎虎仁筒捲蟬縮鬚孕麝臍氤氳
哲垂鶯乳脆暖玲瓏玉排釘生蔡絡索珠貫琲鮮苞纏錦
縹潮瘦瓣卸銀鎧側蓋形回旋省橫毬勢陔貽雙文鏤
爛編省十樣裝錯錐清含半萼呀錫密倚重跗埠林僧
誇試方生蔡圃匠索遷賄種原北地佳文開尚西風待倦
侶感經秋虎仁故園別逾載就荒徑縈紆芳無恙山崖囁

分栽蔭松筠錫熊雜藝掩蘭茝益滿陳堂切省屏高傍石

礪仙姿稽銘諸省逸品范譜匪狂思插帽頻潮瘦憶捲

簾每斫鱸蓴糝羹文壁蟹薑和醢泛蕊添朝醒晉餐黃

慰久餒服餌日紀寅生飲泉年問亥德宜中央古仁令

豈小正改歌招楚江纍省鄰卜彭澤宰祓灾詢長房潮

蠲疾效袁隗明燈照遠枝錫熊淡墨貌寒蓓度詞翰有窮

省欽隱節避无悔舊遊夢已遙仁虎近賞樂斯倍心清離空

塵蔡生境僻遠輪輅房斂態含積晉芳蒨敷光露瓏弱蜓款

乍欽歆文哲殘蜚捐微颺不言人淡如省欽有色客嘉乃伴應

菜萸借錫熊名匪蕙苴詒來乘霜未霏潮歸趁月初朏後

會遲重陽省蘭盈把試同採仁虎

蒲萄聯句

蟠根蔭秋繁程晉磊實壓架濶趙哲匝步停圓陰曹仁

布坐觸微馘阮蔡低謝桑梯緣吳省斜宜棗竿掇嚴長

葉翦青霞裾董潮粉褪紫茸褐陸錫花鬢卸錦綳文哲菽乳

逗羅袜晉承盤珠顆纍蔡入手彈丸脫仁落蒂僅扶寸

長函粟不盈撮省欽辛含舒眉攢錫熊甘吮利齒齧潮嘗新

枯腸腴晉道古滯臆豁蔡漢歷推太初省欽唐封拓且末

錫種隨首宿來文哲名先荔支達仁露湛金莖寒長漿蠲

玉魚瘍潮宮楹柑並傳蔡頁包橘應奪晉十種蔓雞田

錫百株纏虎闕欽省離離碧琅玕虎仁粒粒紅鞮鞞文白訝
乾雪霏潮黑疑淡墨抹明鴛機翻樣奇生鵝絹折枝活
哲麝眠香玲龍蜂鬧影轆轤芳絡野延豆棚錫擔市
堆竹筴明移栽知誰何潮攀摘問月曷欽省牽連春植援
哲防護冬擁堦生銅瓶注濃泔芳金翦薙叢芟虎仁穿幃
月惺忪明裂帛風綵繚熊蕭梢綵鸞翔欽省天矯山龍拔
湖薄游眯軟塵芳素食厭脔糲明櫻虛四月廚虎仁蔬乞
千家鉢欽省眼明詫駢羅哲指動快擗拈熊黃欺皺栗蒸
生緣勝浮瓜割潮蘋婆枕却懸明芋魁鱸免撥芳分無
涼州除欽省心憶漢水潑虎仁巾角翠雨淋熊榨頭紺雲樓

文逾蘭生色清潮擬桑落性辣生醉鄉從拍浮虎仁釀法
早研括哲文興同翹車涎芳事異屠門咀生試佐細君貽
明亦慰侍臣渴欽省
嘉靖宮扇聯句
明上海陸文裕公深嘉靖中以祭酒直經筵嘗
拜宮扇之賜公裔孫錫熊官京師暇日出眎其
友程晉芳汪孟錫趙文哲阮葵生曹仁虎董潮
吳省欽共成聯句一首凡八人其一卽錫熊也
秋光敞雕楹程晨爽拭珍簾孟娛賓折簡招錫述祖
在笥檢扇裁蜀府趙製陋漢宮儉勝朝中葉承阮

生世廟太阿剌深居厲刑賞曹仁旅進雜忠譚一俊占

鳳鳴董九達統鴻漸南曹巨璫公初授編修劉瑾改

誅復官見明史東觀羣雅婢采殿經樞陸錫條銜御

毫點為翰林學士侍屬車塵清芳飲天酒露

纓迎節蘭辰佳孟鏤直松閣罨資衣白紵輕哲解纓紅

絲網是物本貢珍生異數非竊忝函頒香案臣仁帕捧

閤門闕爛然朱霞滃潮澹若素波潤花樣蟬翼翻省海

圖龍甲閃段竹截鵝肪錫圓釘貼蠻曆紙擘蠶纒錫縱芳

銀塗泥濼激佩宜錦囊盛世廟賜張字敬等錦囊詩絡

藉絲索綸世廟五日賜李時夏言等綵攜歸袖孟辭錫辭錫

傳示目覩規樓添槐雨涼公寓邸有槐雨樓在宣武屏

引梧颯颯公有雲錦石屏集揮疑仙骨珊仁障少俗氛

玷三沐兼三薰潮一重或一掩迴翔瑣闥榮省蹉跌延

津貶公以講章為閣臣所改奏請各大柄迄不持錫疎

節詎終慊懷中月團圓芳天上日荏苒春祠晉嶺花孟

夜艇江濬笑握隨印杖倚哲疊映越羅斂公自同知擢

使改浙江進江西參政歷巢痕玉署空蔡篋泪金蓮染

黃屏誰畫接仁青詞競宵禱履絢羽鳧潮冠葉香螺

騶紫禁輿並扶欽丹壺藥獨夾拈虎腰須縻錫嚇鷓臭

腐曉望虛棘與槐芳興託菱其芡抽身等棄捐錫炙手

避威燄吉金行囊垂哲文廉石歸舟斬申浦折芰紉蔡生袁

壘園茆居願豐課田園公集有願豐堂漫書一卷後樂窮谿广

公園名後樂在春申浦東谷水圖斫鱸潮茸城賦載獮蔬筍安恬禪

省欽杉檜絕驚麗臨池妙素縑熊錫數典富鉛槧風流被未

沫晉思款話斯憚出入變寒暄孟卷舒信夷險貽厥傳

魯弓哲文昭茲守周琰文孫勤服膺蔡冷客慰饑謙披襟

當北牕虎眎景薄西庵把翫神騁貽潮評泊口喁噏規

隘七寶織欽省彩奪五明睿森森鸞尾捎錫耀耀雀翎翮

便面剗觚園芳聚頭學裙袍什襲闕百年孟陸離驚一

睽畫零粉蝶哲文墜失玉魚貳楸看蹙繡船蔡幙拓翦

紗揜祛濁敢拂蠅虎通靈或駭躡展防寒具污潮揚奉

清芬奄家集網叢殘欽省國史補遺詰况坐春風春公有春風

堂隨筆三卷見續說郭錫熊羣瞻儼山儼芳

鬪鶴鶉聯句

瑤天星散機哲文有鳥孕冲突得性含春淳吳省作氣

厲秋飈霜枯短蓬搶程沙淨橫草趨產滋冀土墳阮

生族聚燕山岫尋聲緣鏤塍董潮捕影伺繡堊梯媒促隊

勻曹截管呼音啞翠張網離離陸青裊竿揭揭織

毳毼纏吳綃領羅勃窣一鳴雄可驚文萬選尤斯

拔楓市哆口囂欽省柳筐壓背兀論價輸紫標芳街珍入

朱閣岷椒注圓臚蔡生湘篠排健膺爪俸雞距銛潮胸綴
 雉斑黠莆黃辨雀穉仁領白詫燕披毳雲褐披錫媠
 姬露芙蕖牙籠六曲雕蘭省錦袋千絲絨飲承綠芥團哲
 飼握赤梁秣藏裾腰輒懸欽省揅袖手頻圪練教指繞柔
 芳晉撫恐髀生脂匿懷等挾纊蔡入幕逾蔭樾三洗伐浮
 毛潮再淬礪勁骨細筋束寒藤仁老拳擊瘦蕨是物剽
 而輕錫于時興也勃廣座樹拘攔蘭省大書榜闕闕結捲
 肖環園哲參臺象石凸煖几綠締緝欽省短炕紅璣醇鈎
 簾檐旭暎晉填巷車塵埒弛擔雜傭趨蔡生連衽貴游謁
 賓儀盛簪佩潮乞相垢巾襪華褥欹固始仁嬰帽匪回

紇貂禮瑜解緇錫銀絡索開緝遺矢卽飛將蘭省裏瘡皆
 勁卒壁上堵如觀哲囊中闖然舍懸衡較適均欽省投卽
 爭乃粹微偵靜蹲芳迅舉健盤鴟示暇翩何姍蔡賈
 勇怒且艱初爲鷁退飛潮繼若犬迎齧噤痒久互持仁
 搏執倏交粹揮喙刺短矛錫疎翅虎圖鏞毒噬無完膚
蘭省急糾不容髮羽馳霍若摧哲肉薄馥焉摺貫胷血模
 糊欽省蹙足尻餽飭稍休分道颺芳特起異軍揆痛復攘
 臂蔡趨生暗不轉喉嗚冠禡綵續紛潮翎磔茸耗耗據險
 思扼其仁追窮快殲厥環撞逆毛鷁錫毳獠秃尾鷹獨
 跳鷓陳窮蘭省絕叫雁都沒餘憤裂項瞋哲重傷露孫則

酣劇魯戈搗欽省喜定謝屐捐賀勝歌鳴鳴芳晉怯負詫咄

咄實篋堆縮繒生蔡羅槃燦球珎二鳥又何知湖千緩比

于罰荒禽古有箴虎仁辨物類可核為駕禮則云熊錫匪鳶

詩亦曰七宿窺清躔蘭省九農報深糅帝服司有存哲文聖

居度相越此醉秦賜驕欽省其奔號亡忽生突莊徒矜芳晉

懸庭魏風許蛙變中候詭生蔡雀生常理諄觀化逝駸駸

潮釋名勞矻矻落墨圖可摹仁殺青譜應廟喻戰擬鬪

蝸錫熊較獵勝載獬戲閱百千場蘭省令紀九十月文哲

歸海鹽聯句

九月十三日集陶然亭作展重陽會即送董東亭

素節遲嘉宴曹仁塵蹤苦太勞程晉濕雲遮眺遠阮葵

涼雨罷登高董此日真堪惜趙文吾徒亦足豪吳省再

三尋舊約陸錫重九快新遭吳省仄徑沿蓉泝芳晉孤亭

轟蕙臯生蔡羸車偕客載潮瘦榼付童操仁潭古滋泉脈

欽田枯淨土毛錫延緣穿葦雪蘭省陵緬俯松濤文疊磴

依林峭生蔡迴欄架石牢芳晉導僧扶竹杖錫叅佛禮金條

欽笏室苔鋪錦虎仁弓畦菜摘菘湖置身憑絕頂文決背

辨纖毫欽日落鴉翻背芳晉烟空鶴展翮仁塔痕紅翠嶽

欽峯影翠岬嘈生蔡萬雉排闥堞湖千鱗枕屋敖文野清

寒潦縮蘭省旻迴晚霞韜錫遠躡疑乘氣仁飛輪欲駕尻

真如(四)字

三

欽澄暉迎座入文爽籟逼檐號晉聽版傳齋茗蔡開尊
 倒市醪蘭餘甘分綵柿錫殘繡上花糕潮細細消隴渴
 芳便便慰腹饜文絳囊盛露泥欽烏帽怯風颺虎旅蹟
 連晨雁潮離情咽暮螿錫狂歌圓鉢擊蘭絮語短檠挑
 生健者雄壇坵仁歸與整楫篙芳緣深三宿戀文交盡
 十年叨潮祖席聞驪唱生鄉程指馬嘯海鹽城名柳疎
 縈別戀錫楓冷點征袍蘭津路黃茆店芳沙墟白板舸
 仁暫旋君計熟欽久滯我心切文去獨垂輕橐潮懷同
 折大刀生村畬荒秫糯蘭宅逕掩蓬蒿錫鳴傍橫塘射
 芳蝦臨枉渚撈生藍田應感杜潮栗里最思陶仁遺餌

風猶在文催租興未撓蘭蝶翻誇斫膾錫鳳帖鬪持螯
 欽粲玉紛盈確生真珠碎滴槽芳樂遊追望楚蘭能賦
 軼凌鬣文異地黃侵髻仁他時菊滿禰潮華年齊駟驟
 欽羈緒越禽翺錫爪跡留初地芳頭銜共冷曹生角材
 慙揜雅潮賭飲擅吟騷仁攬袂魂先黯文當筵首重搔
 蘭向禽期訪獄錫莊惠憶觀濠欽巷靜砧鳴杵芳城巖
 鼓擊鞫仁班荆彌繾綣生落木正彌樛文隔歲違歡聚
 欽裁詩荷寵褒潮望迴燕隴樹錫夢破海門鷗蘭梅驛
 紆芳訊芳槐廳竚雋髦生題襟申後會仁花下待吳槽

蘇每朱惠

刻燭集

七

同人集綠卿書屋賦得京師食品聯句十首

玉田米

北稻先秋熟連村起碓聲趙文餐珠愁市價種玉稱田

名曹仁味想流匙滑香宜出甌清吳省東方饑莫笑分

得一囊盛嚴長

豐潤溲酒

西折還鄉水差宜酒作甘程晉一泓光欲瀉三醞味初

含沈慣撫燈前殘愁空雪後饒陸錫遺聞朔松漠送醉

入宵談省

房山炭

禦寒徵炭品來自大防中長松斷材猶勁糠煨性已融

哲香痕籠袖近雪意隔簾空仁乍屆圍爐節相期撥芋

紅錫

密雲藁本香

幽叢齊艾納小炷亦含芬初種向檀山覓名從藥錄分

芳開簾寒散篆拂鼎靜噓雲長清課看留印微吟伴夕

曛文

固安粟

迎霜佳果出自昔御園稱省紫並花房坼黃伴玉色蒸

虎冬齋遲酒盞夜市競書燈初風味山家慣無煩故事

徵晉芳

遵化綿梨

俊爽哀家最披綿味較完錫重堆金作顛甘削蜜成團
省欽軟嚼喉先潤輕含齒並寒文石門秋正老飢坐待登
盤初

寶坻銀魚

霜信蘆臺緊銀鱗逐隊移仁練波潛易穩絲網下難知
長漉向筠筐好盛將雪椀宜晉不緣晴點漆投箸正然
疑熊

昌平黃鼠

俊味毗狸擅黃花古鎮旁文竊糧分曲窖博土學匡琳
省欽底藉凝酥飼應偕桐酒嘗仁技窮隣爾輩作禮漫倉
皇晉芳

安肅菜

七菜徵燕產連叢玉作芽初薦新初出圃求益慣論車
錫根切泥扶寸窠分雪半了長紛紛憐肉食休向野人
誇仁誇虎

采育里山藥

冷署蕃蔬晶靈根斷獻初省截肪開土厚炊玉置薪徐
文哲淡食宜寒戶仙方問故書晉一盤供月費果腹不求

餘長

集陸耳山新居聯句

崢嶸歲光闌

嚴長明

局促吟思懈偶傳卜居篇

吳省欽

遂破

止酒戒同人无悔占

曹仁虎

適我有美邈迹慚陶廬偏

陸錫

塵謝晏宅隘北市表粉坊

趙文哲

西鄰蠹香界枝穩鶯

遷巢

吳省蘭

逕僻鶴守砦門前闌可羅

程晉芳

庭內淨弗灑

井眉鹿轡牽

阮葵生

簾額鴉叉挂盆松修而臞

長明

几石貞

以介幬標甲乙籤

省欽

鼎畫方圓卦膽瓶凍中堅

炎上炫賜扇珍裁筠

錫熊

傳書寶垂薤僵卧人推袁

入客等噲輓埃漬帽

省蘭

餘叢點衣袂矮屏窺瓏璽

芳晉

方褥踞緯繡寒避莊噫衝

長明

去三揖百拜泊無饗人更

省欽

把白園官賣中膳烹小

鮮虎末俸鑿疏脾腹肆溢膏腴

錫熊

言泉瀉清快超超妙

談元

文哲

咄咄詫語怪出腑森槎枒

省蘭

吞脣掃蒂芥支枕

吟堂花

晉芳

秉燭讀壁畫賞心癖嗜痂

葵生

得意癢爬疥鼓

嚴初三交

長明

律短下九屆撥籠檀炷沈

省欽

打牕擲葉敗

眷茲尊蟻乾

仁虎

慨彼隙駒邁臣飢空解嘲

錫熊

僕病條起

憊身遊稚川圖

文哲

僮守子淵誠篋牖封紙

省蘭

薛垣覆

泥簣爭耽秃管緣

晉芳

莫顧癡錢債團頭香火盟

葵生

抵掌

水天話覘度山公閨

長明

愛才穎士价莞爾開令顏

省欽

刻燭集

然接芳欵歸馬路雙歧虎仁過雁聲一派終署散人銜熊錫
言傍參佐庠文

羶車聯句

寒信連朝到九達程晉單車催換翠茸帷曹仁周圍自
覺脚踏好趙文閉置翻教偃仰宜沈初軟褥層鋪紅綵纈
嚴長虛牕四映碧琉璃熊錫久辭暑路遮暉穀吳省稍
遜豪家製鹿皮芳晉踞處深深破平紫毳虎仁馱來得得引
青絲哲文真同密室迴環護初亦有重簾宛轉垂長狹巷
何妨橫軾凭熊錫長途恰稱隱囊欵省輕搖短蓋風猶警
晉冷歷低檐雪不知虎仁浙澀碾冰行倍穩文朦朧衝霧

去應遲初差肩未厭閒朋共長擁鼻終憐冗僕隨熊錫

我鳧爐供小坐省啞他塵柄助先馳芳晉如騎馬續殘宵

夢虎仁勝跨驢尋即景詩哲文底羨地衣温可藉初偏疑蠻

帳遠堪移明長相逢大道愁頻下熊錫偶對晴山快一披省

障幔休嫌新婦狀芳晉安輪畧比隱君儀哲文出門莫便思

搥壁初倒載歸來薄醉時虎仁

冰淋聯句

小樣胡床斷木成嚴長冰天利涉趁新晴曹仁乍辭九

陌衝埃過熊錫忽訝重湖放溜行吳省危坐幾人分上

下程晉漫遊聊爾任縱橫趙文扳腰試引單繩直沈初跋

脚剛支復板平明長如朝如輪率更疾虎仁不篙不楫運偏
 輕錫踞茵便擬馳千里欽省移履翻虞化一泓芳晉滑澹疑
 乘奔澗馬哲文逍遙勝跨涌川鯨初早霜牖口沿洄影明長
 初日溪坳輕輓聲虎仁壺裏居然光四照錫鏡中宛在迹
 雙清欽省拳沙冷鷺窺仍避芳晉負凍潛魚聽未驚哲文深淺
 何須浮水技初往來別有御風程明長後時險薄公無渡
 仁先路凌兢我不爭錫問濟定看軒輊少欽省臨淵還賴
 挽推并芳晉非槎亦許登銀界哲文是躡真應到玉京初欵
 枕吾廬榮舊夢明長卸帆彼岸觸遙情錫南歸笑指空明
 境欽省那待春波隔夜生虎仁

十二月十日集楷素軒觀盆中芍藥聯句

老屋冬林外吳省衝寒駐曉驂管辰才臘八曹仁花信
 條春三淖約姿新獲嚴長將離字舊諳翠根移市北陸
 熊紅影占牕南薄日籠虛牖趙文沈煙護小龕簾深波
 不卷程晉壺淺凍猶涵滑几光浮鑑欽省圓窰色奪嵐來
 遲何掩冉虎仁放早太差參體弱風難舉明長苞輕雪易含
 近人沾宿粉錫隔座觸清醅似帶腰還鎖哲文如杯尾乍
 菱水華承濫濫芳晉石髮亞髮髮禁冷欺梅瘦欽省凝暄倚
 杏慙尊前宜一酌虎仁鏡裏好雙簪條谷懷汕種明長豐臺
 紀客談地偏村叟據錫術巧圍師耽瀾迤蹙連馬哲文温

瞰室閉蠶密遮糊白繭芳晉軟襯截青箇伏坎泥重裏欽省
 乘離火半粘霜稜巖暫避虎仁露蒸嫩先函百沸湯頭緊欽省
 明三和土脈甘喚來魂竟返錫扶起睡初酣翹采排宮
 紫哲傾跌褪塞藍依稀聞篤擗芳晉頃刻見優曇製合翳
 簫並欽省功分羯鼓堪價高輸甲族虎仁遞急走丁男嘉賞
 遲瑤砌明長珍貽遍綵籃力翻愁地棄錫工直訝天貪是
 物希方貴哲文他時殿未慙秉蘭逢禊節芳晉終擬郭西探
欽省

祀竈聯句

五祀血祭同曹仁資養實惟竈制從燧皇分趙文功向

黎正報設主必於陘吳省迎尸先自與夏爛肺供營沈初

冬獵脂備膏古經洵訓疏嚴長俚俗雜媚壽居然嚴君

尊陸錫詎爾老婦耄儀形參禪官程晉姓氏混真誥圖

箋夾兩騶虎仁穴壁奠四壘拖拖腰垂紳哲文蕭蕭手執瑁

端居帝若思欽省仰視民不佻臧慝悉降响初短長皆升

皓昭茲常設監明長相在罔遺幃交年盡室忙熊餞臘連

衢譟懸門朝換符芳晉警巷夜鳴螿冰峩峩結稜虎仁雪確

確鋪縞霧沁寒自霏哲文曦光暖宜曝胎花活火烘欽省禿

樹高風颺時維三九占初日以廿四告北戶呀短扉明長

東廚拄橫榻障塵簾雙錫熊墜墨帚一掃陶爐香乍縈

晉鐵槩初煇膠牙堆花錫仁暈臉酌桂醅盛盃湯泛
資文出饌飯烝耗棗梨榛栗羞省蕙藻蘋蘩芼嘉妃既
配飲初密從亦分犒馬行細投芻長車設輕縛橐抖擻
振衰衣熊錫偃僕俯圓帽駿奔競輝胞芳雅拜臚鵠啓抱
悃輝潔錫灑詞恕干冒維神亶厥聰哲于我允茲保
泰元始判儀省司命早錫號凡趨吉避凶初如去濕就
燥醉醒與世移長冷熱從吾好京國徒久淹熊邱園謝
高蹈踞觚談孰聽芳辭突走安造孤坐思向狂仁獨炊
緬梁操壘嘗百甕酸哲粟奉一囊糙友讌乏脰修省兒
餐希鮮薏烹雌傷屢屢初產龜訝金鑿杵舂翼婢嗔長

擔汲劔童輿模餽石炭錫拉雜灰薪爇向燠穿肘跟
芳晉虛煙吹頭腦影昏宿仁屋痕驗前潦寒暑隨嬾
遷文角張闔顛倒有舉期莫省無靈負所勞將母或
煬蔽初遂不余咻奧姑置往弗追長式憑後斯靠匪求
獵豪華熊第取潤枯槁百福祿順祇芳五窮送虛魅勿
感陰陽淫仁勿邁大小耗勿使雞蟲爭哲勿俾雀鼠盜
鹽醯勿污蠅省蔬菘勿傷蝥螯整狸勿翻羹初幕燕勿啄
抱當籬犬勿信長伏慳駒勿駮提壺奴勿呶熊膝仁隨客
勿暴勿庸目者憐芳勿漏心者媚如願果受釐仁矢誠
更申禱珍羅丹雉膏哲雋割黃羊臚陳乞滋益恭省請

祈非長傲焚紙舌空疲初塗糟目已眊迢遙九閭開明
 婉孌六女導烈炬騰阜幡熊錫迴飈捲朱纛叩陛足起趨
 芳晉捧章語謗譜渾渾忘咎譽仁悠悠泯欣悼試問聖何
 來文且請鄰母躁數典任荒唐欽追權轉兀稟得仙理
 則憮初致富術豈倡兆同鏡聽諧張徵比箕辭讓祠竟
 人罷喧熊錫夢闌鵲聞噪上元重相迎芳準勅利市到仁

閨花朝小集聯句

新雨迎寒食吳省街塵曉乍消嚴長重來尋酒社程晉
 兩度得花朝陸錫院靜雙鳩喚曹仁簾虛一燕招沈初泥
 痕融藥甲趙文煙色潤蘭茗欽草草流光駐明遲遲聞

氣調晉旬初期未準翰墨記洛陽風俗以二月半候仍
 遙提要錄唐以二月十日此日鄉風舊吳俗以二月十日
 年節物饒文葉增桐暗覺欽芽熟菜頻挑明直卯芳時

又晉生辰故事聊熊錫何神司長養仁有客惜漂搖初多
 謝寒輕勒文相逢信久要欽開情風共祝明小影月同
 邀晉賸綵看猶結熊錫深盃試更澆仁聽餘鶯管滑初撲

後蜨衣嬌文響認金鈴護欽陰添錦繡標明勾留禁細
 藥晉漏洩倩長條熊錫緩緩穿林屐仁惜惜出巷簫初側

行披密逕文圓坐敞疎寮欽短檣嘉廚薦明明燈冷榭
 飄晉歡悰應易醉熊錫綺序本難料仁一倍春堪戀初三

分景正韶哲文陰晴緣亦偶省消息理偏超長歲律空延
佇晉家園漫聞寒熊天涯萋綠草仁昔昔夢吳船初

杏酪聯句

傳螭中廚徧程晉言嘗節物新吳省看花遲暖信曹仁
煮木試芳仁趙文饌法徵時品沈羹材數土珍陸錫八
丹名最遠省五沃氣偏淳芳紀令隨榆柳哲藏羞配栗
榛仁核留從所嗜熊膚盡取其陳初倒籠呈微穎芳浮
甌起細皺省辦分初坼甲仁皮褪半含辛文囊囊鳴茶
臼初淋淋瀝葛巾熊淨融銀作液省輕碾玉成塵芳細
訝淘沙並哲澄憐易水頻仁祛埃先漑釜熊候火緩炊

薪初糜雪三分和芳飴霜一色勻省調同丹計轉仁酌

比酒論巡哲沈瀝盈盃湛初醍醐滿杓醇熊滑愁難染

指省甘愛恰當肩芳下鼓誠何假哲凝酥認未真仁餘

芬清可挹熊回味淡堪親初操匕誇吳客芳盛孟憶晉

臣省冷煙剛逼社仁勝日待招鄰哲臙鼎差祛俗初蔬

筵詎笑貧熊粥香桃泛露省漿冽蔗生津芳小盞追游

地哲單衫帶醉人仁東風近寒食熊取次約澆春初

集程魚門拜書亭觀藏墨聯句

葛囊乍啟霏古馨沈龍賓十二呈瓊形程磊磊落落
偶復零吳省簾波四蕩煙華青曹仁五色徘徊光不暝

嚴長摩抄瑩質玉脫礪趙文元氣上薄迴秋寔陸錫芬

圭丸鋌隨所型初圓者重鐻方者瑤晉倨旁剡上鈞參

停省諸品歷瓌徵圖經仁元珠赤手探窮溟明作鱗之

而飛九靈哲佛現太白毫熒熒錫咄哉方寸隱岳靈墨

赤水珠九子白毫光五岳雲云雷回杳兮冥晉有山上峙

淵下渟省有木翹幹草茁葶仁或獸蹠足禽梳翎明攢

樓架閣何岿亭哲刻畫衣袂來媼姪錫模範一一超畦

町初識凹款凸審厥銘晉紀年月日書甲丁省斷珪碎

璧鏗玎玎仁粟紋斑剝餘晨星明半螺猶直千驟胸哲

吳塵羅去羅小方于程君譜夙訂錫門妍角祕尹與邢初維

桑卜築繫南垆晉天都三十六翠屏省蒼虬千春孕莢

苓仁肪肥液滿招戕刑長縋繩入陰追駭挺哲登登柯

斧傳崆嶺錫斯之束之擔且拾初板屏燈閃瓦竈陁晉

一絲裊碧煙無爐省輕煤霏霏著甕瓶仁尖風不到文

窗櫺明角麋之膠漉去腥哲和以谷水寒清洽錫搗霜

萬杵連巷聽初明犀暗麝惟使令晉江南墨官徒耳聆

飲省父子秘授煩丁寧仁我用我法心自惺明瓊包錦襲

馳車舫哲多君保此從鯉庭錫知白守黑區渭涇初道

在用晦非癡論晉卽今日給分槐廳省日就研比依乾

螢仁客卿封號辭拘囚明古懽靜對鍵雙肩哲磨人任

藝海珠塵
爾閱歲齡
熊錫

五

